



慶湖遺老詩集序

慶湖遺老者越人賀鑄方回也賀本慶氏后稷之裔太伯始居吳至王僚遇公子光之禍王子慶忌挺身犇衛妻子逆度浙水隱會稽上越人哀之予湖澤之田俾擅其利表其族曰慶氏名其田曰慶湖今為鏡湖傳記也漢孝安帝時避帝本生諱改賀氏水亦號賀家湖為家牒載謝承會稽先賢傳叙略如此唐代既頒勲格百家圖譜併為煨地元和中林寶集著姓纂臆謂賀氏慶封之後非是按封叔專齊政田氏患之聚三族甲環其宮而夷其族封僅身免走魯遷吳卒被屠戮安有遺種哉吾家特會稽一族他州



之賀蓋賀蘭賀若賀跋賀婁賀魯賀萬賀賴賀述賀兒賀
略孤吐賀諸姓省為鑄十五代祖迺秘書外監之後祖弟
諱知止少味老易躬耕不仕開元末與崇玄學奉道三以
道舉薦送不赴會有聞於朝者起家拜上虞丞秩滿試任
城令時李翰林白寓遊是邑與公相從於詩酒間譔具美
政書公堂之壁後入鏡詩石今或存焉久之遷揚穀令卒
官民懷其惠遮留喪車不得時發因權定縣之北原三孤
即壠為廬免喪按安史之亂縣又改隸東平尋為李正己
巢據之寔用非法游民房禁不聽還伯仲定居陽穀俾季
陰歸會稽以特持先業皆力田自潔不復為仕官計季實吾

祖也歲一北走省展存歿且自誓約生雖居死當耐骨先
壠之次逮七世孫遵約不墜後屬董昌盜越民罹其毒因
棄業北遷合族為國朝緣外戚賜第開封隆和里六代祖
廣平王始別葬於浚儀固子陂之原高門平州府君受命
北征即誥其冢嗣曰吾家本慶氏昔王子當嘗寓于衛而子
必以舊氏名之吾死必封樹衛郊示不忘本府君竟死事
朔野曾門以哀毀廢于家但名其子而重誥之天聖初大
門摠北道坳牧之正遂卜府君之新阡於衛屬邑共城東
原仍徒貫焉行先志也鑄少有狂疾且慕外監之為人顧
遷北已久嘗以北宗狂客自況今寢老且疾念歸何時而


亟更舊稱者亦首丘之義耳鑄生於皇祐壬辰始七齡蒙
先子專授五七言聲律日以章句自課迄元祐戊辰中間
蓋半甲子凡著之藁者何啻五六千篇前此率三數年一
閱故藁為妄作也即投諸煬竈灰滅後已者屢矣年髮過
壯志氣日衰落吟諷雖夙所嗜亦頗厭調聲儷句之煩計
後日所賦益寡而未必工於前念前日之爨燼為妄棄也
始衰拾其餘而繕寫之後八年僅得成集以雜言轉韻不
拘古律者為歌行第一卷以聲近義古五字結句者為古
體詩第二第三第四卷以聲從唐律五字結句者為近體
五言第五卷以聲從唐律七字結句者為近體長句第六

第七卷以不拘古律五字二韻者為五言絕句第八卷以
聲從唐律七字二韻者為七言絕句第九卷隨篇叙其歲
月與所賦之地者異時開卷回想陳迹喟然而嘆莞爾而
笑猶足以起予狂也儻夢境幻身未遽壞滅嗣有所賦斷
自己卯歲列為後集云丙子子月庚戌江夏寶泉監阿堵

齋序

本傳

賀方回名鑄衛州人自言唐諫議大夫知章後故號慶湖
遺老長七尺眉目聳拔面鐵色喜劇談天下事可否不略
少假借雖貴要權傾一時小不中意極口抵無遺辭故人
以為近俠然博學強記工語言深婉麗密如次組繡尤長
于度曲掇拾人所棄遺少加隳括皆為新奇嘗言吾筆端
驅使李商隱溫庭筠當奔命不暇諸公貴人多客致之方
回有從與不從其所不欲見終不貶也初仕監太原工作
有貴人子遠同事驕倨不相下方回微廉得其盜工作物
若干一日屏侍史閉之密室以杖數曰未若某時盜某物



為某用其時盜某物入于家然乎貴人子惶駭謝有之方
回曰能從吾治免發白即起自袒其膚杖數十下貴人子
叩頭祈哀即大笑曰釋去自是諸扶氣力頡頏者皆側目
不敢仰視是時江淮同來芾元章以魁岸奇譎得名而方
回以氣俠雄爽遠先後二人每相遇瞋目抵掌論辨蠶起
終日各不能屈談者爭傳為口實方回所為詞章既多往
往傳播在人口建中靖國間黃庭堅魯直自黔中還得其
江南梅子之句以為似謝元暉然以尚氣使酒終不得美
官初娶宗女隸籍右選李清臣中書執政奏換通直郎為
泗州通判悒悒不得志食官祠祿退居吳下浮沉俗間稍

務引遠世故亦無復軒輊如平日家藏五萬餘卷手自校
讐無一字脫誤以是杜門將遂老家負其貸子錢自給有
負者輒折券與人秋毫不以丐人其所与交終始厚者唯
信安程俱致道方回既自褒其平生所為歌詞名東山樂
府致道為之序略道其為人大槩矣而予與方回往來亦
極款乃復為之傳使後世與致道序參見云石林居士葉


夢得

宋史文苑傳

賀鑄字方回衛州人喜談當世事可否不少假借人以為
近俠博學強記工語言深婉麗密如次組繡尤長于度曲
掇拾人所棄遺少加槩括皆為新奇嘗言吾筆端驅使李
商隱溫庭筠常奔命不暇諸公諸貴人多客致之苟所不
欲見終不貶也初娶宗女隸籍在選監大原工作是時江
淮間有米芾以魁岸奇譎知名二人每相遇瞑目抵掌論
辨蜂起終日不能屈談者傳以為口實元祐中換通直郎
通判泗州又倅太平州竟以尚氣使酒不得美官愜々不
得志食祠祿退居吳下稍務引遠世故無復軒輊如平日



家藏書萬餘卷手自校讐所為詞章往往傳播人口黃庭
堅自黔中還得其江南梅子之句以為似謝玄暉自哀歌
詞名東山樂府嘗自言知章之後且推本其初出王子慶
忌以慶為姓居越所謂鏡湖者本慶湖也避漢安帝清河
王諱改為賀氏慶湖之轉為鏡故鑄自號慶湖遺老有集
二十卷



慶湖遺老詩集卷第一

歌行三十九首



叢臺歌 按邯鄲縣譜叢臺趙武靈王築起地三百
尺今故址猶十仞在縣中東北隅元豐辛酉七月同
邑令濮人杜儼仲觀登杜先有此詩要余同賦

累土三百尺流火二千年人生物數不相待摧頽故址秋
風前武靈舊壠今安在禿樹無陰困樵采玉簫金鏡未銷
沉幾見耕夫到城賣君不見叢臺全盛時綺羅成市遊春
暉一從瑀輦閉荒艸蕭散行雲無復歸招魂想像風流在
晴華露蔓猶依稀盤紆棘逕撩人衣禾黍晚成貉貉肥層

簷碧瓦碎平地夢作鴛鴦
相伴飛登臨吊古將誰語
城郭人民今是非指君看
取故時物南有清流西翠
微彷徨華表不忍去豈獨
遼東丁令威

黃樓歌
熙寧丁巳河決白馬東注
齊宋之野彭城南控呂梁
水匯城下深二丈七尺太
守眉山蘇公軾先詔調禁
旅發公廩完城堞具舟楫
拯溺療飢民不告病增築
子城之東門樓冠其上名
之曰黃取土勝水之義樓
成水退因合醮以落坐客
三十人皆文武知名士明
年春蘇公移守吳興是冬
謫居黃岡後五年轉徙汝
海余因賦此以道徐人之
思甲子仲冬彭城

君不見熙寧丁巳秋靈平未塞
河橫流澶漫勢欲浮東州
斯人坐有為魚憂當時賢守
維蘇侯厭術不取三犀牛野
城岩堯起黃樓五行相推土
勝水鼃作鼃驚走鞭蠶三丈
渾流變清泚南來船車鷁銜
尾使君登覽興如何舞劍吟
箋賓從多水平照影見鴈下
山空荅響聞漁歌樓下汀洲
長芳草一麾南出彭門道昨
日春遊詠白蘋後夜秋風悲
鵬鳥黃岡汝海心悠哉青衫
白髮多塵埃采菱伎女今何
在騎竹兒童望不來望不來
碧雲明月長裴徊

彭城三咏
元豐甲子余與彭城張仲連
謀父東萊

寇昌朝元弼彭城陳師仲傳道臨城王適子立宋城
王班文舉采徐方陳迹分詠之余得戲馬臺斬蛇澤
歌風臺三題即賦焉戲馬臺在郡城之南斬蛇澤在
豐縣西二十里歌風臺在沛縣郭中

秦蛇已中斬劉項方龍戰叱咤沮風雲睚眦走霆電鴻溝
一畫天地開楚王洗劍東歸來新都形勝控淮泗籠山絡
谷營高臺重瞳登覽何為者不知招賢知戲馬上如激矢
下投丸蘭筋霜腕便平回盤半夜悲歌駢不逝明日陰陵
行路難踈北三千歸漢閑粟豆尤聞蠹縣官君不見華山
之陽古坳收春風吹草年年綠

右戲馬臺歌

君不聞泗濱亭長送徒如咸陽徒夫懷歸多道止澤中置
酒飲相訣吾亦從此犇芒碭陰風蕭蕭導者惧前有脩蛇
怒橫踞酒酣拔劍肯留行劃斬蛇虺不回顧河明月出入
踵來彼媪何冤號且哀謂遭赤帝屠吾子語竟莫知安在
哉真人聞此自心許茫茫四海吾其主虎變龍飛十二年
馘項梟英蓋狐鼠半夜雄鉞飛上天几見長陵一杯土

右斬蛇澤歌

漢祖高風百尺臺千年客土生蒿萊何窮人事水東去如
故地形山回來江淮猶沸鯨鯢血八十一車枉歸轍白叟

西首

逢迎皆故人，牢酒欢呼惜。將別嶠澗迢迢，非我鄉死生。此地何能忘，酒闌鳴筑動。雲物青衿兒，曹隨抑揚。爾時可無股肱良，端思猛士守四方。君不聞淮陰就縛，何慨慷平解道。鳥盡良月藏。

右歌風臺詞

漁歌 甲子十一月張謀父陳傳道王子立會于彭城東禪佛祠分漁樵農牧四題以代酒令余賦漁歌
嚴公桐江上，呂父清渭濱。出處兩能事，寥々于若人。擁篲
比笠吳儂子，身偶一竿生。寄水戾庖富，饌羨鱖鯽寸鬣分。
鱗奪刀机吾將一鉤懸，十犍咲倚扶桑不計年。鯤鯨懷餌

晚相得坐使東南飲食鮮

江南曲 乙丑三月彭城分題得江南曲

遊倡寨杜若別浦，鴛鴦夾落向晚。鯉魚風客檣泊當時
菼葉是新聲，千載長餘隔水情。烏衣巷裏人誰在，白鷺洲
邊草自生。

三鳥詠 元祐戊辰三月之官歷陽石磧戌日從事

于田野間始聞提壺竹雞子規三鳥其声殊感之因
賦之以寄京東朋好

綠野帶江春，漠漠露濕花。芻朝暮薄年芳，婉婉欲辭人啼
鳥殷勤勸行樂。提壺真起予，十千美酒當贖沽。金龜寶貂

家所無持底可過黃公壚調官東來今几日謂有公田宜
種秫朝廷未除私釀律安得一試焦草術提壺鳥嘆吾與
尔皆悠々君不見長安西市多高樓大書酒旆招貴遊脫
聞提壺鳴樹頭論槽買甕更平獻醅庶几此散知所投胡
為南鄉長滯留端使北宗狂客羞

北宗狂客
方回自號

右提壺引

東南澤國陂塘闊旱歲少逢晴五月田間鼃喜雨冥々竹
下雞啼泥滑々而予不耕陂下田々皋驅馬揮長鞭稻塍
微茫絕復連如跣鏡面流鮫涎植啼沮如不敢前何暇顧
惜青蓮乾竹雞鳥汝幸飛翔羅罽外安知此塗吁可畏雄

連

雌更鳴方自慰汝不能言意為對君不見日圍赫々是
長安大明宮闕開雲端雞人唱漏辰三刻左右相君朝謁
還前驕誰散千後乘不可攀飄飄青蓋望已遠綠槐陰下
沙隄閑長隄千步沙漫漫風不驚塵雨亦乾君能馳騖此
其所何事江鄉行踞雞

右竹雞詞

長江靡迤山坡陀旅竹荒松蒙葛蘿蠶初眠起風日暖梅
弄黃時烟雨多山間有徑行逶迤倦客據鞍生睡魔奈尔
思歸啼鳥何子規鳥不如歸去好誰家西北晨高樓几為
王孫怨芳草子規憐尔解歸飛我獨何心長不歸十年迹

絕蘇門道夢裏舊遊知是非一官竊食官倉米十口之家
飽而已金印錦衣耀閭里少年此心今老矣問舍求田從
此始

右子規行

東華馬上懷寄清涼和公蕪筍社中王拙居士東華
在歷陽郡北八十里隔江與金陵相直王字閑叟已

已十月賦

雞鳴統五鼓驅馬東華踏月落潮上時雲披日生處搖
漁艇子挂席凌江去送日思悠々橫槊聊一賦鴻雁南飛
江北流亭雙塔是昇州前朝物色今何見白鷺平沙接

石頭石頭城上清涼國中有弥天大比丘右軍遠孫傲時
者中鉢久從蓮社遊吾亦明年及瓜代一庵見寄外何求

廣西愁寄李諛

李字智父為白馬從事庚午七月

歷陽賦

夜如何其夜未央斗星燦兮河蒼涼微月入牖窺曲房候
蟲刺促鳴我床離憂歛來煎人腸夜如何其夜何長綠琴
在薦兮擬楚秦之沈湘朱弦濕露兮声戾指而不揚屏琴
浩歌兮屑涕泗之浪々我有所思兮在河之陽倏而不見
兮裏衷雜弭忘駮驥騰躍兮鴻鵠翱翔明璫玉案兮尔不我
將緘誠結惠兮久莫汝償永如牛女兮南北相望昔燕處

芳靈芸之堂，紉蘭為珮，芳集芰為裳。西風淒緊，芳凌百草，以殞黃蘭。萎芰裂芳，恐被服之不芳。念汝玉立方，賤組繡之文章。玄節日厲，芳奈慘慄之冰霜。胡不乘白雲，芳歸來于帝鄉。尚何所羨，芳畢永歲而徜徉。

舟次金陵懷寄歷陽王掾相 王字元晉 庚午十二

月賦

昨時江北望江南，把酒離愁已不堪。今夜江南望江北，抵掌清談安可得。歷湖白下非吾鄉，官身俗眼禁人狂。後日扁舟更西去，江北江南兩何處。

贈道士塞拱辰

嘗觀妙手御風圖，想像斯人世所無。今識黃冠葆光子，爽氣飄飄畫不如。岷峨東來九千里，眼飽高山與流水。乘春更擬訪天台，晨肇當年偶然耳。葆光子胡為予，鼎中龍虎煉成寶。筆下鬼神驅作奴，須君且置是等事。三復玄元皇帝書。

艤舟秦淮雪中訪侍其瑀 侍其字服之 庚午十二

月賦

北風破雨初成雪，齋舫蓬窓吹紙裂。籃舁觸冷訪圓廬，得把一盃聊耳熱。人生自適待何時，矧君與我皆衰遲。會待晴天暖風日，杖藜同赴北山期。

寄墨代書贈楊時 楊字中立彭城僚友也為南康

刑獄掾庚午十二月金陵偶便因以詩墨寄之

徂來雪壓蒼松顛淪膏根抵蟠蛇爬樵斤剪枿石火熱曲
突百步凝梢烟蒲菊秋顆纍纍懸海膠九煉堪續絃力擣
萬杵臼欲穿劑成圭璧隨方圓點漆^漆比色石比堅坐令^李
羞居前陳臺潘谷老且賢授唯識者不計錢是翁解化如
蛻蟬後可繼此無聞烏付君一圭款識全保護謹密何千
年君家清風亘世傳不特談玄須草玄

苗別僧訥 辛未正月金陵賦

兀從西班誰比數牛僧馬匠猶爾汝詩解窮人未必工若

榮 潮

調酸聲効梁父榮陽道人方外交謂我有言追屈騷驪珠
不惜彈黃雀狗尾何堪聯晉貂秦淮朝上扁舟發後日相
思一書扎千里同風百^了然人間無處無明月

留別道士許自然 自然山陽人喜談老易早為荆
國王公所知嘗被召對于延和殿賜號葆光掌中太
一宮文籍未几謝病來茆山辛未正月相逢於金陵
求余詩因賦此

東晉高賢許遠遊喬孫今不墜風流還有臨川王太傅每
思與語即登樓浮名何啻如雲薄鐘鼓爰居非所樂漱石
枕流知善謔友月朋風差不惡吾亦塵間無所求終期採

藥棲羅浮異日歸來遼海雀不見人民見城郭

贈趙參軍滂 趙字沛然工書得鍾王楷法辛未二

月高郵賦

鼻參軍鼻參軍平昔相好書相聞妙兼八法嗤五雲一字
僅課三年勤春回玉樹生蘭筋驂駒氣歷千羸羸羣奈何不
書藥珠祕錄之真文寶厨鈿軸絨靈芸閣居清絕無世紛
誰其覩者紫陽君後曰人間偶流落犹得標題持鍵鑰

留別田晝 田字承君始名至明字君義元豐初塗

陽同官也辛未二月邂逅于高郵因賦此以贈別

君家陋巷一尺泥吾車有輪馬有蹄犯寒踏雨重相遇明

日扁舟吾遂西回首却郭迹如埽離索十年成潦倒兔葵
燕麥春日妍蟬腹龜腸氣方能雲透宵 謝攀躋長缺與
人還故棲異時結駟來南畝耕者老夫鋤者妻

調北隣劉生 辛未六月京師賦時將為衡陽之行

荒園老墻百堵破北隣劉子南隣賀今朝西望不相遇端
却衡陽芒屨浣吾庖魚魚未必餓晏飯糠覈煩脾磨吾牀
何容凡物坐書為睡媒即牀卧彼子劉子何所作佐方學
商聲哦楚些細君憂琴與之和相忘之樂在江湖最靈者
人情不無此日可惜難再圖秋風西來莫挽吾後日相思
幾千里書不盡言徒耗紙

荅靳生 生名馳嗜酒而狂自號為酒隱翁壬申正

月遣人持兩詩見投日索其報曰賦此

軒、陸士龍卓、荀鳴雀雲間日下逢此段殊不惡方君

嗜狂藥而吾窮病縛相望不相過賦詩聊爾謔知君酒隱

慕先賢誰何合閣作飲中仙金陵妙唱丹砂絃當日新聲

傳不傳莫學滄波弄雲月老鮫多口饒流涎訪吾之居在

何許春明門東大道邊青鞋布襪不妨步何待東家蹇驢

乃著鞭我屋真無坐客檀蒲團檉机共蕭然鬪雞走狗春

風顛付與垣東惡少年

亡女勝璋哀辭 遠汶陽邾氏子彥修三年而死甲

戌三月海陵賦

百病沉頓彌兩年何圖壯女死我先失聲忍號氣窒咽淚

如縷縻汲九泉嗚呼尚敢尤諸天託非其人死失所父孱

毋囂猶棄汝吞辛咀楚申何許萎蕤殞英春不主嗚呼萬

古為冤土

老鶴嘆 海陵蘇氏即居之南鑿小池以畜雙鶴甲

戌夏旱池涸如陸是鶴飢立庭除問主人莫卹也因

賦詩以歎

華表華來表歸來子出無車食魚魚懿公之遇雞再圖卑棲

俛啄同群雖謂誰嵇氏子不孤強顏市井交屠沽巨源窳

啟亦已踈嗚呼衛侯既不可作道林今也則無露鳴風舞
何區、夙夜供君耳目娛西山二子飢相似南國三閭放
不如端慮盤飧懷異味併隨焦尾付庖厨

送王安節赴武康尉 荆國公族弟也甲戌六月海
陵賦

江左風華推第一王氏堂、文獻出烏衣諸郎能少屈尚
執中司三尺律君方色養白頭親吳興水陸饒甘新下山
之下茗溪濱一洗長安肥馬塵君不見昔人負米長勤捧
檄喜敢論州縣徒勞耳

送海陵周太守卯受代還朝 周字開祖嘗宰管城

有聲甲戌六月賦

湯、水東流奈何載此西行舟統如五鼓鳴城頭使君去
矣不可留前日使君來天子惠此州傳道管城政先聲走
群偷不閉外戶息吠犬悉把鉤鋤誰帶牛雨暘不違禱烏
鹵數倍收吏却一錢賄獄無五木囚黃堂坐嘯有餘暇八
詠新詩追隱侯斯民幸使君畢世為吾休俄及瓜時代奉
朝官重內田通金門籍行奉玉宸對問君何以治海陵但
陳聖主之德臣何能狂生有意水衡丞

送僧雲還吳興 雲喜作小詩稍不俗甲戌七月海

陵賦

烏

吳興道人美風度月下滄浪翹白鷺畫公詩律尚能傳問
有赤鳥黃耳句海角相逢一笑新懷歸不待白蘋春寄聲
故國群兒輩潦倒塵埃賀季真

答許景亮

許永嘉人字少明力學善為詩惠然出

長篇見投况我以鄧高密謝太傅即賦以答時余將

為江夏之行兼與之別乙亥九月京師賦

東嘉海上孕瓌恠之子人英晦當代發之辭章聊一噫下界

雷鼓霜鐘警龍聾投吾夜光敢不拜相期過高幸少殺君

家風鑒嚴簡汰頽吾衰遲積疴瘵久隱墻東慕牛儉絕望

仲華安石輩老矣狂奴猶故態清思屢遭俗子敗絮衣棘

徑動冒礙京塵浼人更難奈行擘一舟犯滄海五斗無餘

雜糠稗全家飲殮雲夢蒼黃鶴登指天外燕子西飛書可

待訪吾少明安好在

贈僧孛熙寧末余罷官趙郡日與僑人竇了然遊

後十年復相遇于徐之蕭縣丙子三月之官江夏舟

次長蘆有僧永孛見過乃了然也將之序阜余要偕

行乞一詩遂賦

北道交遊竇了然手持丹訣口談禪吾年方少不解事貪

酒放歌相助癩十載驅車道梁楚汲水之陽一環堵著書

直上窺鸞能鄭圃漆園聊尔汝旋聞警作去鄉行聲迹相

遼掃風雨我遭官縛來渠央君割塵緣遽如許扁舟三月
溯長川故人投謁俄童顛周妻何肉敗吾事成佛定輸靈
運先此行歷涉佳山水隨牒不妨行樂耳與君更結蓮社
遊徑取孟囊付舟尾

送章邦傑移家餘杭包家山 章字子才熙寧中僚
友也自江州瑞昌令休官居城中十三年不與人事
為道友築室相招遂有是行丙子五月道由九江邂逅
章登舟南浦因賦是詩

九江賢令尹千載兩相望昔也陶彭澤今之章瑞昌拂衣
置五斗高興挹羲皇避俗陶無悔達生吾與章淵明三逕

荒松菊我攜一瓢寓僧屋淵明乞食踵人門我賣神丸辨
蔬粥淵明為酒接休元我每移書謝州牧淵明帝筆課兒
曹我子長歌紫芝曲蕭閉門戶十三年尚畏塵緣生處熟
行將卜隱包家山誓與蒼生鍊大還頭君門外誅榛菅耒
耜勿拒容躋攀鏡湖遺老且孱犹堪護昂訶神姦功成
拔宅自僊去唯餘井臼留人間

題漢陽招真亭 亭在大別峯頂郡守吳興劉誼直

翁營高宗以招江夏黃鶴之仙劉每日稱有不死術亭

成後二年物故于淮陰道中余適見之一無他異丙
子八月獨登因賦此

大別山巔清沔尾飛亭岩堯帶雲起清狂使君初燕喜拍
手招呼黃鶴子玄津煉出太陽酥手草胎髮蒙頭顱每詩
久落比鄴籍豈意齋齋恨歸黃壚越客登臨興何有愁不能
言病妨酒殘陽雲夢宵然深尚欲開襟吞八九羽駕飄飄
安在哉使君餘跡已塵埃但見庾令樓橫烟樹杪角聲催
月渡江來

晚出江城聞角

丙子九月晦江夏作

古壕沮洳荷葉枯翼鏢禿鷲行且漁山銜日脚水閣掩孤
樓引角吹單于胡馬嘶風興非淺壯圖舊迹隨塵卷秋盡
胡邊雁不來流落方悲去人遠十月之交五夜長河橫斗

直天蒼涼蘓門故里斗杓下豈無伯仲勤相望君不見剡
蓬為矢孤弦桑男兒落地志四方履履無根著家巷道梁
遠楚猶吾鄉鳩鵲不踰濟橋渡淮為枳吾心況物未應然
隨牒官身聊爾耳

寄漢陽趙尉沔

趙字道原滂之從兄丙子十月江

夏賦

慶湖遺老坐詩窮強仕之年百病攻誰謂南昌祿隱翁伏
枕呻吟四壁空相思限此江西東寄聲每託江頭風斯言
近俳聊一笑江水方清飢可療人生奇偶類探籌造物豈
容人教料君初試吏或當然我大半生真不調昔不願起

家百日登三司今不願還家六印金紫，但願官糧辦親
養歸來尚餘三徑資都墻晏起訪安否尔酌我飲堯舜時
咄嗟此願良難必吞声食藥甘如蜜

送武庠歸隱終南 武字明叔近號今是翁銜命已
峽還道由江夏過我乞詩為賦丙子十二月

君不見南朝豪雋有邾生自厭出身時經嬰樂聞栖適去
人者傾金累百增其行關西武即將家種心實慕儒官冗
從春走巴東戈暮還逢迎偶在江南夢過門把酒豁清襟
行將歸隱南山陰終為之計咄嗟辦願賦一詩輕百金吾
聞自古咸秦稱陸海六印可求田莫買別墅三千畝上腴

將軍部曲犹多在未應親手把鈎鋤歲事經營付家宰一
官換得今是翁昔何所縛今誰解攜琴領鶴白雲鄉身世
相遼自兩忘北牕仰枕安足道未知何者為羲皇豈不勝
俛首塵埃百僚底南北推遷隨尺帝摩肩接武半臺輿誰
謂淮陰非噲比君家鼎甲盛先唐兩都朱邱森相望天道
惡盈凡赤族當時賴有安平王慶牒蟬聯今几代雲孫序
繼遊方外他時野史逸民篇鑄也磨鉛跋而待

送鄂州刑獄掾王懋元功罷官還海陵兼簡金陵和
上人前此三年余客海陵送王之官酌別于橫塘
此詩丁丑六月作

暑

暖雲芳草橫塘送客何之官鄂渚江皋著淫氣如蒸別
來何之還海陵海陵鄂渚非吾土每後君來先我去人無
根蒂本悠々况指滄波是舟路君方少健我衰遲跼蹙
問不自特特因行寄聲雁門遠歲暮敢忘林下期好去將魚
同語掾行見春風花滿縣隱顯它年不我遺為續白蓮社
中十八傳

王鈞環歌 諸王孫士淳澄源以蒼玉環螳螂鉤見

貺助飾野服因以珉玉盤博山爐成氏箭建瓊龍茶

五物并此歌為獻丁丑十月江夏作

良工得玉藍溪窟相璞命形心匠出螳螂屈彊平疑有骨

頭系一環猶莫屈鏡湖老狂厭袍笏素襪纏縮頰此物價
此比此連城不容乞王孫輟好人所難何以報之明月盤薰爐
波面山嶺屹吾鄉羨寄鷗雞翰閨覽兔盃霜毛寒稱是頭
貢雙龍團聊送公齋增冗長短歌粗可評珍貺吾方野裝
事遊放跼步曜顏曳藜杖薄暮微吟江漢上彼魚漁文人誤
相訪謂似三閭大夫樣

南樓歌送武昌慎太守還朝 慎名宗傑吳人其先

錢氏貴戚戊寅三月江夏賦

君不見鄂渚山環少去城半高牙之衝仰飛觀襄回華月
天一偶偶縹緲青山江兩岸題榜南樓非昔時今人可復識

元規唯餘在得昔時月與此江山長住持公堂坐嘯無白
事清夜登臨誰辨此流風逸響殆十年初見東吳貴公子
剗繁健手付方州迎刃未始逢金牛潢池小兒歸田疇田
魚高下乃多收每尋不淺胡林吳更有歌人行酒籌明日
雲飄望堯闕鏡湖老生愁款絕一錢何敢浼刘公送行聊
以南樓月照見金閨待漏時結珮正冠勤曉謁公乎莫負
鱸魚菰菜期衣錦東還使持節

題黃岡東坡潘氏亦顏齋 潘幽老昆仲躬耕老東
坡葺亦顏齋以偃息求詩於我為賦之元符戊寅六

月江夏作

堵

東坡有田誰料理蟹面蒼毛潘氏子結茅題榜亦顏齋農
隙把書聊自喜潘乎潘乎信是顏之徒終日何所論難真
如愚世無孔父四科友猶辦簞食瓢飲陋巷環墻居百畝
之收粒可數天南有待東坡主更輸什一補官倉餘勺幾
何供雀鼠會須不改其樂媚而翁力田水旱由天公大勝
心迹相違阮校尉東西南哭北途窮

慶湖遺老詩集卷二

古體詩上四十首

故鄴 按鄴都記漢建安十二年曹操滅袁氏始

大築鄴當時京兆洛陽南陽許皆大都而鄴為

之長操子丕代漢復定都洛陽此後僭竊更據

鄴而未始殘破元魏孝文帝自代南巡駐蹕下

久之以南望柏人山北接柏人縣非善地遂去

之河南將作挂飯罌于城樓上識者解之挂飯

懸飧也豈待玄孫宅此乎至孝靜帝果為高歡

劫遷都鄴齊五主營建宮室規模壯麗遠逾前

象驗

魏周武平齊焚撤畧盡及楊堅克尉迥遂泮瀕
之築京觀于葛屨山徙郡汝安陽鄴猶為屬邑
熙甯間始廢之戊午九月獨游晚歸馬上賦

魏武昔恢圖北平譚尚孽卜鄴築新都非徒三狡穴將行
遷鼎志遽有分香訣落日總帷空奠終歌舞闋旋聞瀍洛
上載起蒼龍闕四葉不歸東苔花馳道絕食槽識終耳挂
飯期先決擾攘百年間覆車尋此轍山川氣氣變朝市繁
華歇白露復蕪青茫茫換時節陰風吹葛屨燐火走兵血
木葉下西陵寒蟲助騷屑當時陪葬骨馬鼠猶環列隧碣
仆縱橫鐫文久殘缺帛砧與柱礎螭首隨分裂指此一抔
間賢愚兩何別悠悠鳳渣水寂在臺月千古配英魂未隨

輟
埃燼滅田臯訪遺老謂有吳亡說但聽黍離篇叱牛耕不

喜雨 己未年余官滏陽涉春早熟四月晦雨始大
澍而二麥已槁苑采老農之言賦是詩

終春久旱曠涉夏俄溽暑垢汗流衣襟梅津蒸柱礎黃霾
閑赤景測候錯辰午沙燕逐風鳶翻飛邇來雨紛々白羽
箭齊發萬牛弩落瓦復鳴階浮偃如沸煮崇朝已沛浹枯
渴頓清瘡田父喜過從迎門好相語吞桑薄可具豚酒與
簫鼓擇吉謝叢祠巫娘罷狂舞晨炊飽丁壯庇笠耕烏鹵
少緩麥租期庶將秋稼補輸入太倉中蓄肥任黃鼠

鹵 蟄 漚

軌

老槐 邙郡南滏水上有大老槐無復生意人偶
夜休其下聞吟歎之聲吞空腹中蓋梟狐所憑而里
人輒以為神也因築壇建社祠禱甚勤余感而賦是
詩己未八月

老樹久枯禿俯臨清踞塵曾無席地蔭庇喝及斯民梟巢
與狐穴兇恠相憑親嗥嘯屬陰里驚搖旁近人周環築級
壇立社祠秋春既享不材壽濫當有土神勿惑巫婦言請
揮樵者亦猶疑終竊據復作後來薪

過量掾端智 鼂字祖禹滏陽法曹掾己未九月作
西風吹晚雨飢雀噪寒叢文舉對談客坐慙觴豆空吐嗟

宦遊子貧病略相同斗俸折腰得醉錢常不供君看北里
兒高堂燕歌鐘雖誇酒無算飽德何由豐吾豈乞墻者不
為妻妾容永懷冰檠操未媿屠酤雄

春行 庚申三月滏陽賦

風俗喜嘉辰行樂東城春人歌芍藥章馬度楊柳津田畝
久枯渴麥芒棲暗塵焦心戴白叟日望西郊雲

對酒 庚申三月晦滏陽賦

白駒不可駐尺璧非所珍獨挹一樽酒悲歌送徂春歌闌
酒方盡回首迹已陳自笑十年仕尚迷天下津豈無濯纓
水奈爾長跼塵命也復何道今人猶昔人

閑情二首

庚申四月同滄陽田叅軍至明賦

青窓隱夕曛玉甃紫苔春佳人久不見翠被銷檀薰長巾
拂綠綺上有三年塵聊彈別燕弄寄謝陽臺雲秋風動朱
箔流塵汚鴛綺念昔合歡人兩心今萬里冰霜變松竹况
復如飛李歆寓相思文無多右軍帝

題巫山圖

滄陽張氏出此圖蓋唐人画庚申四月

賦

巫山彼美神秀色發朝雲絢麗不可挹飄飄去無痕楚夢
一夕後蒼山秋復春日斷腸亦斷徃來今古人

詛蚊

庚申五月滄陽作

公舍踞陰溝維蚊得所在朝听滅声迹曛暮相期會挾是
黨與繁豈資軀力大飢心過狼貪毒喙甚蜂蠆併張巧中
去人勇悍將何奈負無綃葛稠拙計燃蕭艾徒自取熏蒸
舉家更年嚏欬烟銷尚鼓篋夜久禦益懈坦腹恣交攻煩
瘡如搔疥神疲復夢悸少不容清快如何造物工種此
生民害安得長風驅投諸四荒外斯之嚴霜誅併命不可
貸醜類儻一遺餘孽行當再

蠟蛾

庚申五月滄陽席上賦

鬼蛾來翻、慕此堂上燭附炎竟何功自取焚如酷感彼
萬動微保生在無歆不見青林蟬飲風聊自足

病暑 庚申六月滄陽賦

早夏景延永烈日天中央歛、燎原野中~~去~~人如探湯病
肺苦焦渴吐舌生喉瘡蔗漿與茗飲未易蘓膏膏稍驚氣
象變雲物來冥茫仰枕視簷際浩、浮滄江忽得灌頂偈
灑然心地涼雷公未鼓怒風伯何猖狂掃蕩^{大字}空萬影
纒斜陽俯辭楚臺上拱立齊鼎旁一介命棲蟻敢于私雨
暘田夫信無罪觸熱正驅蝗

暑夜 庚申六月滄陽賦

渴蟬鳴中夜木葉凝無風襟宇不加帶犹如被蒙茸三庚
信可畏一扇曾何功安得解民愠蒼梧埋古桐

問內 庚申六月滄陽賦

庚伏歌蒸暑細君美鍼綉烏緋百結裘茹繭加弥補勞問
汝何為經營特先期婦工乃我職一日安敢墮嘗聞古俚
語君子見^母蝻^啜瘦女將有行始求然艾醫須衣待僵凍何異
斯人瘼蕉葛此時好冰霜非所宜

食艾實作 庚申六月邨郭郡從事錢景茶德文席

上賦

錢侯官舍旁走水來方塘暑雨過初伏斜陽生晚涼風翻
炎盤巷萬幣爭低昂犹疑秦雞暴擅此六國場下塌延密
客開樽薦新嘗金刀剥老蚌玉沙磨夜光殷勤頓飮餽未

咀悲生腸引領廊衛西百泉乃吾鄉水產富此物數錢論
斗量朝殮取饜飽無復炊黃梁梁貪嚼比羊枣况乎惟味良
十年去國仕遇得纔微芒李鷹鳥思尊羨拂衣謝齊王我亦
散浪者未許斯人狂長歌定行矣千載會相望

烹雞歎 庚申七月客過滄陽道近時有人覩庖人
宰三雞一雄就縛而鳴不輟因歎曰禽鳥將死知時
且鳴吾安得默一求容於世因極口肆言俄抵机穿
几不得免余感而賦此云

膳夫縛三雞雌先就烹一雄置机上不廢知時鳴有客見之
歎人情犹物清寧昌言即死何噤口偷生愚聞此客言退

思因竊評雞實鼎俎資殺身非罪聲人忘机誠鼓舌為
禍萌宜念千金軀與雞何重輕

題華陽公主碑陰 按碑公主名李豔魏孝文帝之
孫年十四降高歡弟琛主與皆蚤死齊建國琛追王
趙郡主為王妃碑表其墓盧思道文姚淑書在滄陽
之南七里庚申八月晦日賦

王妃乘鳳去春色一朝空昔怨綺羅月今無松柏風千年
見白日狐穴入幽宮玉鏡古塵滿落梅誰復容峨一當墜
碑寶刻一何工文擅色絲美但書膏邑封惜非丈夫烈不
得傳無窮好在故時物清漳流自東

題蘭陵王碑陰

碑載王名肅字長恭北齊文襄之

子按北史直書長恭而沒其名蓋當時以字行而史
失其詳尔王有武畧善撫士每得一瓜數李必分其
餌衆金墉之戰免胄先登推功第一今蘭陵王曲即
凱歌也為後主所忌得疾不治而卒以鳩薨碑陰刻
王弟延宗一詩甚哀墓在滏陽西南十里道占其乘
夏潦所湊壠已半圯碑字大兼寸隸法有古氣而不
著書人名文乃盧思道也庚申九月十日作

齊室生武賢蘭陵乃頗收神枿枿饗虎士饜尉比梁肉金墉
免胄戰破陣何仲速樂府有遺声當歌凱旋曲盤宗既不

壽霸祚宜尔促十代六百年人間換陵谷荒塗接岫壠誰
復禁樵收定石半歌摧鉤鋤斷鼈足蒼苔蝕琢刻仰睇眩
塵目操翰無愧辭千言不為辱流端鬻馬鬣客土日危蹙
霑潦併年間弥漫即川陸昔多萬兩送今無一杯築人生
安區別共盡同草木何待雍門彈令君淚盈菊

邯鄲郡樓晚望

庚申九月賦

新涼瀉軒檻草木帶秋声濶水倒嵐影洗磨切戟明百虫

暮吟動一鳥歸思輕晚律駭徂景霸壞念勞生去國亦已

久己年今復庚官倉容省耗世路忌蝸爭願我實荒浪誤

拋樵與耕竹木微迳在奚獨古人行

荅杜仲規登叢臺見寄 庚申九月滏陽賦

高風蕩河漢 白露被寒菊 下有絡緯蟲 淒酸生意促 華年不相待 去我何流連 老步失騰驤 短轅甘跼蹙 伊人濮陽秀 方厭折腰辱 仕導塞榛蕪 低徊避虻蝮 邯鄲古都會 陳迹武靈築 興登發即登臨 西南几窮日 新詩琢璠瑒 疊寄兩三幅 一聽鄆中歌 陽春回草木 行將及瓜代 暫喜擺羈束 鞭馬徑相過 連朝奉遊矚 隻雞興斗黍 禮意未為足 何以遇高陽 多營甕頭醪

冬夜寓直 庚申十月滏陽賦

落月半侵窓 蛩聲寒到床 羈人不堪此 夢後夜仍長 結衣

出庭戶 河漢正蒼涼 浮陰暝四野 來雁不知行 陳物悲暮節 畏途懷故鄉 十年泥滓賤 半生靴板忙 豈不志事功 筋骸難自強 壯毛抽寸霜 烈膽磨尺鋼 素尚竟誰許 行歌追楚狂

送武欽宗之安陽 辛酉七月冠氏席上賦

黃金絡征轡 之子待明發 樽酒少遲留 禪林見涼月 歌鬟結蛾黛 怨此佳期濶 去々柳堤風 青蟬催白髮

寄杜邯鄲 余寓居魏之冠氏 杜仲規以詩相招 屬大河北 徙莫知其津 竟不果赴 但賦此荅之時 辛酉

徙

八月也

窮巷厭多雨，頽垣藜藿生。蝸蟾飽風露，晏景一何清。坐指
歲芳歇，羈人心骨驚。所懷不可見，東州聞政聲。三年但絃
歌，百里稱神明。風月動高興，詩章時一鳴。天葩落健筆，直
與春工爭。渾河失故渠，怒水方縱橫。雖憑東菴濟，跬步萬
里程。夢想不知遠，笑談何可并。賴有西飛翰，尺紙緘馳情。
訪周沅郭忱，周字文清，郭字天輔，皆吾僚婿也。辛
酉仲冬，自魏趨闕，始及北郊，首訪二子於壺蘆園，延
款連日，因賦是詩。

前日去薄官，驅車望城闕。情親周與郭，契濶多年別。征袍
未及解，徑造郊扉謁。存問審安娛，芝眉尉懷渴。家範具羨
矣，笑我犹饕餮。野色夜蒼茫，松陰步微月。悲風應長嘯，灑
面若冰雪。狹室燭花青，壞爐擁駝褐。歡呼講舊好，鄰夢憎
驚聒。念昔初冠年，朋從事顛蹶。忽々一回首，身志成老拙。
居諸信遄邁，又值陽生節。春物行可期，良遊須屢結。婦家
酒醅美，升斗容丐輟。斟酌挹東君，手選時芳折。樽前有餘
樂，身外無所切。欲尋玉清蹠，難訪金丹訣。脩短三萬朝，黃
塵共埋滅。

除夜歎 辛酉京師賦示周沅

壯髮忽種，華年今復窮。客懷少安適，况乃京塵中。病肺
獸斟酌，疲筋謝過從。閑坊稅老屋，車馬無來蹤。日俸纔百

錢鹽齏猶不供夜榻覆龍具晨炊重馬通出門欲貸乞羞
汗難為客安得一扁舟浮家乘興東江山北深隱終老為
田翁春秋二頃苗秋穫期百鍾稚子課樵汲壯妻煎識春
行歌滄浪清卧快柴桑風神明養內現憂患無旁攻有客
聞此言誚余何不裹茲行果勇決誰攬冥鴻安知祿籍
間去就如樊籠微尚良自信所悲君不同

寄杜仲觀 辛酉二月余罷官塗陽訪仲觀於邯鄲

屬雨後晴和城邑人已衣袷既登叢臺風色凄緊尚
如隆冬時臺下有佛祠庭中得新碑乃蔡有隣書嚴
挺之叢臺懷古賦也因請仲觀樹之壁間佛祠西去

二三里王氏園偶諸俳倡將祀神者因置酒按之
邑人立巖起次說與烏明日相別是冬仲觀亦受代
復調南康船官壬戌八月余至彭城登高有懷因賦
此以寄

中春雨收霽與子登叢臺形勝宛然在太行西北來無情
有尺土千載未摧頽四顧發悲嘯淒風振頤頰凌高氣象
變似不容徘徊下出破禪刹新碑生紫苔嚴公賦懷古復
使後人哀西尋王氏園一徑趨城隈老竹未萌筍繁花如

似

雪開惠然丘少年逸躅欣攀陪小榭羅醮豆開簾按俳詼
招呼緲縵人晚鏡催妝梅水調唱金縷雲疊浮玉醅傾腸

敢惜醉忘著接羅羅回明日遂分首旧遊安在哉我為東徐
官客鬢棲塵埃君調南康吏江山役清才西風吹去雁尺
紙為君裁我已困摧辱壯心如澄灰行將隱名姓采藥孫
登崑共城異日儻相通衙門翦蒿萊

遊雲龍張氏山居 雲龍山距彭城郭南三里郡人
張天驥聖塗築亭於西麓元豐初郡守眉山蘇公屢
登燕于此亭下畜二雀因以放雀名亭復為之記亭
下有小屋曰蘓齋壁間榜眉山所留二詩及画大枯
株亦公醉筆也亭上一逕至山腹有石如磐治者公
復題三十許字記戊午仲冬雪後與二三子携惠山

泉鳳團泉此岩下張即鏡之士戊秋余初至徐張惠然
見臨繼相招為山中遊八月晦日遂往暮歸馬上賦
此詩

昔聞張逸民卜築雲龍山東望結遐想喜得彭城官一語
定襟契宛如平生歡招攜屬休沐投此蘿薜閑女僕候門
巷青桂雙翠鬢蘇齋軒戶明餅火焚椒蘭寶墨鬼神護清
詩永水玉寒森然拱簷雷架石排琅玕東趨放雀亭磴道披
茅菅指頽百村落炊烟林莽間日脚灑平陸西山如斷環
淒風振晚葉坐怯衣裘單引領紫霄極飄飄如可干緬懷
眉山公五馬來遊盤酣興與走顛筆蒼崖即鏡刊午年仲冬

月雪野雲弥漫掃石坐舒嘯惠泉烹鳳團當時說盛集千古
古陋達安俛仰迹遂陳斯人久泥蟠我來後千日逸囑何
由攀遇勝不能賦俯尋塵踏還山英移未勒時款白雲關

登黃樓有懷蘓眉山 時公謫居黃岡壬戌八月彭

城作

登黃樓望黃州黃州望不見樓下水東流水流何可留浮
雲更悠、傷心澤畔客憔悴楚蘭秋

秋懷二首 壬戌九月彭城作

空迹人尚遠况予千里間豈徒道路長重水復重山清霜
老芳物嘉樹不堪攀款寄隴頭信春風殊未還蕭、庭木

落格、雞聲惡荒簷日影斜飢猫捕黃雀牕間養病客起
念丘園樂款賦歸去來西風老藜藿

燕子樓 唐徐收張建封晚得姬人盼、寇嬖之為
起燕子樓於使宅北城上以處焉後更兵火樓不復
存天聖中故相濮陽李公出守彭城復樓於故址壬
戌重九後一日余與二三僚友置酒樓上分韻賦詩
偶得如字而侍酒官妓亦有名盼、者蓋竊希唐人
因為見於卒章

城據山川勝千年楚故都高樓臨汲水楊柳蔭芙蓉唐室
中多故將軍老鎮徐球場朝戲馬玉帳夜投壺白雪微清

唱黃金得綠珠春風樓上醺三日極歡娛紅粉夢雲散白
楊兵火餘當年賀厦燕老盡几番維曲徑擁黃葉西風時
掃除寒鴻躡老樹暉牌女墻狐有客晚登覽傍徨思壯圖
荆榛問銅雀麋鹿遊姑蘇陳迹豈足道日歎何日無朱欄
開酒場寶勤勅迎官奴醉袖舞鴝鵒豔声歌鷓鴣遲留故時
月桂影來座隅回首一相詫今人如不如

快哉亭 彭城郡城之東南隅提點刑獄官廢廨也

熙寧末魏郡李公特節來此高宗亭城隅之上郡太守

眉山蘓公命名曰快哉亭下有爽塏數十步即唐人
薛能陽春亭故址也癸亥六月始登此亭因賦是詩

飛亭冠城隅空豁迤四望夙昔兩文雄胡床此相向山川
氣候美詩酒風神王彈壓許昌侯陽春慙俚唱魔車忽南
北榮辱生譽謗一躡雲遠聞一落江湖上我來得陳孺伏
檻徒招帳可畏此塵籠歸哉養荒浪

飛鴻亭 彭城南禪佛祠據戲馬臺之麓有岩山出

其上方廣倍尋可立柱石癸亥秋九月太守河南王
公說命僧起亭冠焉亭成置酒以落之而未得嘉名
以稱也時天晴木落旅雁南下復有声琴於坐者公
偶誦嵇叔夜目送歸鴻手拊五絃之句因以飛鴻榜
之是冬十二月十日復与李昭玘成父楊中立同登

因賦是詩

禪林跨山脇飛高宗廟諱鑿峻增千里寄斐曉百憂消一登斯遊
屬公暇曉日東南升霜野明練甲雲陰垂海鵬東州地陽
暖臘月川無冰大艣出洪口突去如騫騰跣坐思方寂桐
魚聞飯僧生臺飽馴鴿散上浮固層矯首發長嘯清風鼓
塵膺寒仿紫虛跖鴻雁正憑凌佑像中散公俯手朱絲繩
粉繪久零落燕灵呼不應碩余識尤寡况復無才稱行且
置纓笏庵棲宗大乘二子勿多誚有心何不能

上已後一日登快哉亭作 甲子年賦

上已信嘉辰流觴傳舊俗良遊悵不遂吏局方有屬東風

吹曉雨萬竅嗥林麓疑有泊舟人狂歌河女曲逾朝始澄
霽物色如新沐城角趨危亭登臨尉幽獨紛華掃不見胡
蝶飛平綠矜倚窮夕曛悠哉此心目

讀李益詩 甲子夏與彭城詩社諸君分閱唐諸家
詩采其平生人賦一章以姓為韻君虞益字也見從

軍詩序

君虞與聖孫詩律早專美樂府度新聲宮醮奉天子鮮風
獵蘭茗華月濯莸李獨有連眉郎才稱方相比頗聞竹宮
句流落綺紉耳吏曹久失調幕府感思起從軍五十篇王
粲慙率尔胡沙動霜草開卷得千里騫翔大蓬拜轉碩觸

排毀晚升八坐崇謝事知所止高文茂支庶埋滅長已矣
斯人今不亡正賴教番紙吐嗟嗟踰壯日就無聞恥勉哉
課誼吟請自田居始

田園樂 甲子八月與彭城詩社諸君會南臺佛祠
望田畝秋成農有喜色誦王摩詰田園樂因分韻擬
之余得村字

昔我未去國出棲淇上村分辭俠少事喜與農老言農老
孰追從四鄰皆世婚机中工織婦籍上成丁孫青駒自走
磨黃犬長候門昨日春火開道遙望高原西照牛羊下東
風花艸繁今朝夏雞鳴麥熟田頭喧歸來息樹蔭課汲灌

中國園園秋賽方及辰釀秫熟膏豚叢祠響腰鼓免杖奉神樽

冬雪斷門巷蠶廬清且溫地籍熊豹席爐明荆樨根起居
就安適非復繫晨昏不識百里面不知千騎尊供輸先衆
期於我何威恩太上復淳古坐超羲與軒敢忘天地施擊
壤声如填畢此百歲願泰然長夜魂避秦誰氏子客死武
陵源

此日足可惜 甲子九月彭城寇作元弼席上賦

此日足可惜此樽何可辭人生信浮寓老境將安之念昔
青衿歲九七殊未知忽俯仰間復見趨庭兒名繫冗從
藉顧亦胡能為抚此多病軀敢有黃髮期每虞斃奔走明

哲永見唾後賣刀劔買牛耕故陂不憚力作勤農事有閒
時慨想無心子清言瞋我師

部兵之狄丘道中懷寄彭城社友 甲子十二月作
駕馬出北門徒御何遲遲日氣方洶湧霜陰亦紛披役夫
前驅行少婦痛不隨分携仰天哭聲盡有餘悲雖非遠行
近要之為別離願我豈無家從公難遂私且懷二三友缺
此文酒期臨分各有贈婉乎詞吟諷一回首烟林失城池
相思肯相遇斗黍為君炊

三月二十日遊南臺 與張謀父陳傳道王文舉乙
丑年同賦牙取姓為韻余得陳字

晴春六十日不與酒杯親吏事豈無間風雨復兼旬始作
南城遊時物固已陳掃不見苑李濃綠迷荆榛登高暫道
遙引目清泗濱向田有交逕俯城皆要津得意屬禽魚可
愛不可馴願余千里客眷此十日春胡不念尔生筋骸勞
欠伸二十起丁藉一官初為貧併張西復東甌滿菜蕪塵
黃綬彼何物豕苓安足珍山園有芳蘭出珮手白紵長哦
白雲謠遐想紫陽真去矣南昌尉庶几于若人

夏夜懷寄傳道 陳捍領斐溝戍稅局乙丑年彭城

賦

疲筋任藜杖行藥下僧坊月出河漢白雨餘草木涼有懷

社中子引首東南望高韻少諧結何心事征商泗濱泄漏六七
月萬柳鳴蜩蟾大扁軻峨來迎風坐胡床投錢授赤券豈
所試君長申退尚多暇不無金玉章而余方執執思得濯
滄浪雲牋僥寫寄珍重未相忘

慶湖遺老詩集卷第二

慶湖遺老詩集卷第三

古體詩中四十首

和張謀父遊石佛山觀魏太武書 按南北史彭城

圖經魏太平真君十一年太武南侵至瓜步築宮駐

蹕聲歎渡江宋人患之遣使請婚饋百牢以犒師明

年春旋師渡淮復留連徐方再旬始北去今彭城南

五里因山鑿佛高十許丈東北百步有大磐石歌枕

小溪劃然四字曰阿彌陀佛皆徑尺餘特陀佛兩字

為逸筆結之其長倍尋下落溪中蓋當時太武以鐵

畫是字非刊刻也乙丑秋張謀父摹墨本見惠蕙

賦一詩要余屬和焉

中夏昔也否代邦天所開鴻圖屬太武不世英雄才南洗
洛陽血西盪長安仄纜車十萬乘略地驅風雷一葦濟長
淮築宮瓜步隈東隣拜牢饑走使為婚媾雲旗即歸踞覽
勝此乘徊俯揮鐵馬鞭頑石同陶坏劃成四大字屹粟陰
虹摧淪精入崖壑怒氣羞蟠回范公六百年風雨生莓苔
偉蹟寢銷泯威靈安在哉生存責責無上零落等塵埃君為
訪古遊賦詩追七哀人生誰不尔莫負手中杯

夜行鄒縣道中遇雨作 乙丑八月被外計檄自徐

趨鄆道中賦

昨日秋遂分村：斂禾黍半夜宿田人相噓去深陂駸雨
馬上客厭浥投何所暮發鄒子城朝期飯東魯據鞍思假
寐顛墜慙不武俯畏道旁石頽然如伏虎遠驚蒼麥華白
水漫洲渚安能叱吾馭親闈寄西楚念昔卧蘇門夙與猶
及午豈謂從一官羈離遽如許歸歎惜遲暮幽懷將誰語
賴尔草根蟲助我長吟苦

計

行踞難 乙丑八月被外計檄召徐鄆往及千二百

里由荒山廣澤皆畏途也而期會甚嚴夜不遑息因

賦是詩命曰行踞難

驚颯獵榛莽西山匿頽陽四五陰魄晚繁星亦光芒驅車

底幹異日偶班輸抱柯徒永歎

和杜仲觀青字詩二首 丙寅四月京師作

青袍少年子獨出青門遊逢人少青眼凝笑望青樓窓中
青蛾女正為青春愁心事屬青鳥青驄能少白馬青絡
頭青萍寶帶鉤晴溪流水急獨上青翰舟佳人青雀釵手
把青荷遊慕君青雲器青髮結綢繆

送李主簿夷行之官河陰四首 李字易初翰林邨

郭公孫少年苦季元豐壬戌任東平尹曹掾揖彭城
錢官余實為代元祐丙寅相遇於京師九月汴洛之
官索詩為別遂賦彭城余贈李詩有它年會相訪分

戶

卧北山雲之句詩在別卷

夙昔一樽酒相從清泗濱回首歎四載長安逢故人交情
久益淡辭筆老加新送子復西去勞生悲重陳古來英特
士往往沉下僚念君鸞鵠姿俛首棲蓬蒿霜氣歛陂澤伊
流總半篳舟行何以尉酌酒誦離騷君才本高絕流俗固
難諧桂生樗樾林寧免相笑排句稔諒多暇簾箔蔽公齋
聖賢在黃巷差可遣人懷少小縻一官身世兩相補為鮑
西復東志願劣兒乳不無同心友頗壓折腰旂寄語北山
雲異時吾與汝

擬南梁慧侶法師獨拈擣衣 丙寅十月京師作

另一首

嶧陽桐杵鳴蓮岳石砧平待誰相應節要自不勝情吹衣
風稍急^帶影月微明會有不眠客聽此新鴈聲

擬阮步兵夜中不能寐 丙寅十月京師作

夜久不成夢張燈開故書清霜屏雲物有月未庭除良時
悵難再不與佳人俱掩卷長太息望子城之隅

擬鮑溶寒宵歎 丙寅十一月京師作

孤缸照愁眠明滅知夜久熒々月落林撼々風入牖美人
悵何許寤言不相偶心寄南征鴻雲漢長回首

遊雍丘燕溪分韻作 丁卯二月領大匠屬治事至

雍丘與故人吳擇仁智夫趙子漪澄之同遊因分韻

賦詩余得漪字

捨轡步平綠^陸鮮衿俯清池微風度修竹瑟瑟生淪漪梨華

照晴影暖雪正紛披把酒久沈想况與玉人期

擬王少伯新興 丁卯四月京師賦

西北雲悠々東南日杲々浪語問陰晴懸知行雨少桃蹊
換青蔭夙昔一何好臨牖思茫然微風動萱草

送陳傳道之官下邳 丁卯九月京居病中賦

昔也官彭城日與君子親俱遊大梁下不見輒兼旬衣食
帝迫人汗走長街塵相逢立馬語愁面如含辛朝來忽叩
門頗驚黃綬新告我即東下得官淮泗濱方語病中唱藥

^物苦殫貧故人復捨去北懷難重陳想見經日廬節候屬蕭
辰朝尋張翁墅慕^喜投寇叔鄰二子亦吾好尺書坐因循交
情定相訪為話正迷津

東畿舟居阻雪懷寄二三知舊三首 丁卯仲冬抱
病之官歷陽舟次陳留賦

舟路江淮永歲寒冰雪深戍期良敦迫王畿方滯淫疲筋
苦踰卧行樂長川陰雲物接平陸不見西飛禽風從城闕
來如聞鐘漏音昕霽更東邁區區子年心寒洛未漸結束
趨江海深舟人警朝鼓歛綽逗長林端若滯雪沙際起
鳴禽病客坐長歎揖衣涕流衿親朋自茲遠可是慕山陰

年

春

與盡莫回檝何人知此心法、清川流冉冉浮雲陰天寒
日云莫魚鳥方潛沈吾豈厭安隱東浮違宿心一官未足
養老境行侵尋牛歌感白石馬骨要黃金慙無子虛作萬
里懸知音

留侯廟下作 按留侯本封沛國之留城今古祠存
焉晉義熙中宋公鎮徐嘗下教修繕今祠中石刻雖
破裂猶可識余官彭城日欲賦一詩忽不暇及丁
卯冬汜洛東下阻冰於陳留舟次有神祠特嚴邃榜
曰漢留侯廟蓋邑人誤謂侯為陳留也余時抱病殊
困因默有禱焉歲暮疾平賦此詩具冠笏拜謁高吟

封

神坐前償宿志也

文成念韓痛破產伺疆秦千金募健士推斬屬車塵東去
變名姓浮游淮泗濱忍耻奉遺履得書何老人十年風雲
會赤帝資經綸鴻門禍端結一言即解紛英彭既合縱楚
項提孤軍偉哉借箸談豎儒無復陳分疆鉗兩將來若從
龍雲釋怨俟印謀銷蛇豕羣定都天府國推功歸奉春
四老落吾術拂巾辭隱淪東朝羽翼就楚調徒悲辛出處
能事畢致君終乞身豈眷萬戶封僅與蕭鄼均淮陰敗晚
節頌亦非吾倫願訪赤松子逍遙雲漢津強飯示終歿爽
靈方上賓嚴祠鎮川湄餘澤及斯民客子老將至低回况
從臣慙無應時策肝膈空輪囷有可教固無類慨然輒求伸
未應終萬古黃石獨能神

遊靈壁蘭皋園

集賢張校理治此園以奉親因名

蘭皋戊辰二月余舟行次靈壁訪張氏子頌於園中

諸亭僻問得故人東萊寇元弼三四詩因繼題十八

韻兼簡元弼

集仙昔榮養卜築循蘭陔深徑萬株合清池百畝開飛梁
蔭齒蓄攢棟跨崔嵬淮海斷紅蘂瀟湘移翠栽岱松珮蘿
葛海石糊莓苔車馬遠驚聒魚鳥忘嫌猜病客倦舟楫尋
春此衰細閨年物候遲前日已聞雷薄景未晞雪東風新

破梅主人京洛舊杖屨容參陪指我良隅地方營秋月臺
眼前壁間字醉墨題東萊短句頗清絕早推能賦才殷勤
卷白苧為尔拂塵埃安得一攜手更傾林下盃酒闌話平
昔豈復頽形骸行役浸相遠人生信悠哉薄暮重回首長
哦歸去來

題揚子王輅故居清軒 戊辰上巳日賦

卜築負南郭褰開臨要津舟輿占集地奈尔獨清人坐上
一樽酒江南千里春何須茂苑扇何患元規塵遊子感陳
躅况如平生親九原不可作歸老復誰鄰

遊金陵雨花臺 在城之西南蓋生公講堂故址也

南即石子岡登覽盡江南之勝戊辰三月舟次金陵
與同行李延永遊西望石磧戍線如數里之許耳

迢、朱雀航飛蓋共凌越東風石子岡芳艸微徑絕生公
法堂在清夜貯明月回認城郭遊春華爛晴雪長烟動江
隩微雲泊山疊連櫓去遲回白鳥屢明滅江山信清麗人
物久銷歇戍堡定荒涼投身計何拙塵衫與汗馬端為老
生設李侯朱門俊許與盡時拓俛首就微班剝腸頗摧折
人生特眠飯似是此身切歲晚賦歸田非君復誰結

宿法惠寺 在應陽西南九十里戊辰四月七日泐

事至順天里越斗峴山冷泉澗薄晚投宿此寺、主

隅面山而豁其西北行樹邃密如不與人境相接庭
中有泉如輪清冽而甘跨山起小閣榜曰餘翠登望
曠快因賦是詩題其上

驅馬越飛澗揚旌下回岡歛見層浮閣高風振琅璫重門
壯且深老柏森然行佛子出迓客投鞭步長廊中庭汲新
泉一飲生清涼孤坐且登覽危梯趨上方蕭々荒竹林簷
外如環墻樵牧斲行徑龍蛇知所藏山禽喜暄暘嘯侶何
琅々子規特殷勤使人懷故鄉引領落西北暮色來蒼茫
一官早見縻微尚久未償明發復東去斯遊良不忘

題香社寺平痾湯泉 在歷陽西北四十里泉石山

東麓周環三十許步清澈而香或以竹木投其中漬
之一昔渥然如丹蓋靈砂伏其下故飲之并浴者疾
多愈因名平痾湯戊辰四月十日泐事至泉上遂賦
是詩

驪山御湯殿歲々玉蓮傾誰謂大江北有泉溫且清相傳
白雲竇中閱丹砂英澡濯浹肌骨沉痾亟能平豈特滌吾
足徑當潔吾纓築廬俯源上涵泳鳧鷖輕非復星塵網御
風朝玉京賦詩投楚澤用弔懷沙生

宿寶泉山慧日寺 在烏江東北七十里戊辰中元

日入夜泐事至此邂逅越客嚴生因賦是詩

密

日入不遑息驅車更之東回蹊出蒙寮解袂迎長風從
何許來歷、江南鍾頓轡阿蘭若虛庭月正中流螢逗深
竹白鳥巢青松華燈耿翠箔瑤花擢春叢絕境美清夜况
非塵界逢惜無一樽酒幸與子之同明發即南北浮生兩
飛蓬

晚度黃葉嶺東谷懷寄金陵王居士閑叟且在烏江
之北八十里戊辰七月十六日白寶泉慧日寺之茅
塘村路由此

陰谷不寓暑風松朝露零乳溪逗綠篠琴筑声冷老石
清金碧窅然沈列星酌此石上泉鉅解彼松下苓條歛振飛

步豈徒制頽齡何須歷五嶽即蹈神人庭願余方有役俗
駕不敢停寄昔采真子來卜白雲扃

腰疼山浮圖下作賦也在歷陽西北五十里戊辰十月

茲山非峻極名不載圖譜投策一攀躋未覺病腰脅蒼松
帶寒日交陰層窳堵儼然黃面師粉繪色已古我貪五斗
米磬折向兒乳復著鞍馬勞疲筋劇咎楚此身異金石能
涉几寒暑誅茅結圃廬宴坐此其所清心日焚誦庶拔未
來苦望塵彼何人碌、安足數

曉登柏子岡回望金陵懷寄鍾山泉禪師 在烏江

東北二十里己巳四月賦

晨征念王事駕駕煩屢叱既陟崔嵬高稍辭叢薄窳烏牛
露宿露白鳥明初日清川舳舻遲綠岸浮圖圖出緬懷秣陵
遊魯綴秦淮絳曳烏白下門供去香金粟室得聞四句倡
如奉三尺律損益非所知婚嫁行且畢庶幾追老龐薄莫
徼萬一誓將遷枳根待變江南橘

歷陽十詠 己巳五月歷陽張令夢臣采縣境

陳迹十題要余同賦

麻湖 縣西二十里按縣譜本城邑漢明帝時一夕
淪為湖中有明府主簿魚甚美皆昔人所化也今

俗呼訛為麻湖焉

昔也萬家邑今為無底淵城郭泯遺迹人民安得全弔古
一回首薄暮愁風煙極溺不無意五五生後千年

雞籠山 縣西四十里按縣譜昔城邑將淪沒神獨
告一姥使西走即携籠雞登是山籠化為石形猶然
湖之東南有姥廟

楚姥昔犇逆餘生脫沉淪家禽不忍置信謂婦人仁空籠
歛變化千載高嶙峋可待麻湖水復生桑下塵

濡須塢 縣西南百里按縣譜孫仲謀築偃月城以
拒曹孟德即此塢也

孫卽黃鷹揚曹瞞方虎視敢忘板築動遠挫兵鋒銳俄聞
青蓋謠無復金陵氣六代迭傾亡長江亦平地

過胡城 縣西北三十里按縣譜昔石虎南侵晉相
王導築此壘以過之

狂胡昔憑凌闊步長淮外難去此百雉城萬甲也要害時

平一登望江山牙襟帶想像文獻公清風宛如在

當利港 縣東二里下通大江按縣譜晉王濬征吳乘便風趨石頭王津
詩當在過胡城之前 格之不往卽此地此

龍驤乘上游銳氣吞敵境風便趨吳京收功在俄頃平生
負雄圖晚歲方獲聘何必傳鼎彝江山與之永

天門山 縣東南五十里江導兩山之間殊湍悍按

縣譜宋孝武嘗駐蹕此山上閱水軍發因建二石關
以誇武功今遺迹在焉

天門東箭流北注據牛駕凌高駐翠華舟師耀威武當時
侍帷幄誰復徵徃古虞舜有苗征端為兩階舞

采石磯 縣東南二十里瀕江兩磯相對按縣譜李
太白賞隱東磯上故址存焉

東西采石磯山水兩清絕漁舸與商舶今古几
泝越飄飄翰林主長笑美明月難訪物外游飛雲眇天末

百福寺 與縣廨鄰按縣譜卽唐詩人張司業籍之
故居也籍繪像今存

文昌西郭居修竹閑環堵琴樽不復存青蓮開梵宇塵紛
晦遺像粉繪才可觀拜奠愧無言長哦居樂府君業餘之
林桃花塢之縣西二里麻溪上按縣譜張司業之別墅
也籍與孟郊載酒屢遊焉今茂林深竹尤占近郭之
勝

種樹臨谿流開亭望城郭當年孟張輩載酒來行樂斯人
久埃滅節物今犹昨者取不言華春風自相約
平痾湯此縣西北四十里按縣譜湯泉下伏丹砂浴
之能愈疾故有平痾之名即劉夢得歷陽記所謂沸
井者也

文礎護清漪炯若涵冰玉澡滌起沈痾功參靈劑速荒唐
桑氏任瑣碎桐君錄利物本無窮何須塵簡牘

慶湖遺老詩集卷第四

古體詩下四十一首

三山在金陵西南百里崛起大江之中昔王龍驤
順流鼓棹徑造三山謝玄暉登三山望京邑皆此地
也戊辰三月始遊金陵置酒於鳳皇臺引望此山如
落天外雅符太白詩中語既渡江至石磧戍門遠與
山對已巳六月賦是詩

南朝鳳皇臺置酒昔高會酒酣望三山宛在青天外長哦
謫仙吟如淡鯨鯢啖明日信東風孤帆出其背荒戍接江
濱開門遠相對昂足時長川不為舟檝礙雨暘雲吞吐早

晏潮進退萬古免浮沉曾微拊鼈戴伊余厭塵空閉目何
可奈爽氣豁矜靈山乎吾有賴嘗聞晉阿童萬艦飛戈快
徑造北山陞滄波為之隘慨我疲軟姿功名讓前輩玄暉
昔憑眺物色頗有功他時壯武冠刀劍行且賣山價略可
酬庵棲謝當代遠持三山矧况彼七里瀨犹得傲狂奴吾
無故人待

望夫石 在當塗北山上與歷陽當利門相直己己

八月賦

亭、思婦石下閱凡人代蕩子長不歸山椒久相待微雲
蔭髮彩初月輝蛾黛秋雨疊苔衣春風舞蘿帶宛然姑射

子矯首塵冥外陳迹遂忘窮嘉期從莫再脫如魯秋氏安
結桑中愛玉質委淵沙悠々復安在

題烏江湯泉寄老庵 庚午七月賦

西庵松竹深薄暮更微雨山禽不畏人嘲啗方對語而余
倦宦者罷日今可數京邑夙所懷其如惡塵土行復念期
遊回頭悵何許

罷官有期懷寄歷陽朋好 庚午八月賦

迅雨蕩闌暑層飈披滯雲澄川繚楚甸新陽麗秋旻物候
豈不嘉中懷愴離群親朋滿城邑繫滯此江濱及瓜信匪
遙遂作河梁分何人具供帳樽酒展慇勤一聆雪兒歌載

悽遊子魂津鼓驚朝夢
烟生夕曛所悲紫蘭纓復
京
洛塵春風有歸雁報我相思文

揚舟秦淮雨中寄侍其服之
庚午十二月賦

蓬卑每礙幘倉狹絕容席悽酸擁膝吟奈此風雨夕欣聞
鍾漏旦懷彼南城客欲往從之遊塞塗沒吾履方君慕棲
遁願已淹行役後夜歲云除畸辰良足惜何當斥氛閉新
暘被東陌壺觴殿兩驂聊取一日適

金山遊
辛未二月舟次廣陵同達安黃材成伯黃

樞集虛郡人陳庾敏善武寧章思永子脩為金山遊

賦詩得上字

輕舸放中漂岸遠春風壯檝師俯仰呼天水爭歎蕩吾方
扣其舷聊賡小海唱梢回即東麓側磴聯屨^屨杖危剝表層
巔疲筋^筋牽強斜廊繚復殿魚^脊分背向放目四垠寬秋
毫入吾望侵雲鐵甕壘^岬起去緣傍映日海門山不帶滄
波上吾雖百石吏平昔有微尚
得金仙徒翦蘿開岫幌
誓投桑榆年浮生翁自况

金山化成閣望焦山作
辛未二月與二黃陳章四

子同賦余得上字

朝登化成閣寫睇滄江東巋然^瘞瘞鶴山屏截橫流中雲烟
生蔽虧水石相磨龍^{高宗}飛^{廟諱}結岩腹天龍嚴佛宮初無剝木

智不與塵界通曠莽天地間勝事豈易窮將謀乘其人難
此迎潮風可信浮桴約僅有由也同我亦念行投翻如
征北鴻他日一漁艇悠々浮玉翁

金山夜集招米芾元章不至作 辛未二月與二黃

陳章四子同賦余得王字

芳洲擷蘭珮清夜棲寶坊晚風駕飛濤柱石搖長廊微月
逗簷際助我燈燭光黃童天下才疊々陳與章 歌間險
語捧腹屢烘堂惜無盃中物可以延楚狂吳闌半道去浪
學山陰王明發吾將還滄波渺相望如何方外徒漫仕煩
官倉端尔涼秋節白雲來帝鄉

哄

廣陵山光寺夜集留別黃材昆仲 辛未二月賦余

得平字

維舟山光步却顧廣陵城十里春風外夾津芳草生漁蓬
銜尾來愧爾故人情更卜連牀語神房溫且清語闌夜自
久淚燭剪復明撤樽兀相視酸涕流金纓我本山海士誤
遭時網嬰出身兩紀餘何等為浮名矧此一分首几年當
合并離憂如驚瀾蕩瀟未易平踈親繫遠迹斯言出荒儻
音郵無禁限勤訪白雲兄

網

題崇勝寺無心菴 辛未六月京師賦

老鶴依林表孤雲寓山間結茅窮釋子著身如許閑有心

即塵紛無心 猶石頑有無心 併置日暮客來還

和錢遠德循寓懷二首 辛未七月京師賦時與錢

鄰居

悠々北山雲 苒々東門草 紛吾起故居 與尔即遠道 巔崖
博錙銖 得不償 所耗寄語鄰 墻翁 晚從吾好魯酒味自
薄 楚歌聲更悲 魯無忘憂用安事 酒歌為西風 激高序流
芳迫衰 遲寄語鄰墻客 茲非行樂時

題天清寺安上人北軒

辛未八月京師作

南城繁音氏音臺 維昔孝王築 歌吟寂無聞 萬楹聯佛屋 道
人開北牖 俯就百喬木 八月鳴青蟬 槐蛾委平綠 客來借

榻卧吹睡 俄頃足踈雨 隔斜陽 垂虹跨長陸 良遊悵遲後
回謝三庚 酷瘦馬尾華 軒汗顏塵一掬 昨非勿復道 佳約
猶可續 載酒定何時 新黃糝庭菊

感庭棗

辛未七月京師賦

昔來華纂々 遽許實離々 西風會搖落 行復見空枝 歲物
感流駛 事切傷暮遲 吐彼身後名 前人端自欺 書殫南山
竹 菴々定何知 賢哉張生翰 千載與心期

送表姪趙子億之官滄州兼簡通守李延寧 李字

叔永 辛未十月京師賦

吾昔遊浮陽 童心初辨狂 凌高瞰海日 徑欲窮扶桑 歲紀

減
忽再周此圖竟莫償今適送子往臨風但彷徨之子公族
秀祖基維懿王成吾家宅相裂封復吾鄉汝翁同谷守視
吾猶鴈行後生古所畏之子未易量筦庫方試吏事後須
更平嘗譬彼汗血駒蓋齊即騰驤是宜勤夙夜動虞三尺
妨勿憚川陸遙千里如鄰墻勿計弦晦餘俛仰度三霜邊
朔昔云苦今歎海隅康正賴別駕賢不滅晉王祥依投得
吏師行見售所長為吾語故人曩契想未忘願致雙魚封
繼以一鸚章

夏夜雨晴遣懷 癸酉歲京師春夏馱雨吾居望春
門東牛行街故兩樞渤海公之高齋嘉樹清風殊不

知暑濕時卧病杜門每把書自適五月望雨始收霽
疾亦少間因賦是詩

積潦被廣陌誰過牛僧翁閑閑養疴療藥石收良工高齋
俯嘉樹疎箔延清風左右列圖史披張俄一通從嗤懶祭
魚聊學蠹書虫坐挹古人語孰云吾道窮浮生夢境間不
帶之驚蓬生死物化今昔賢愚同分陰賤垂棘白日莫
再中薄暮紛滓澄寥、還大空為問此何夕涼蟾生自東
荒哉西園士睽蓋追輕鴻行樂以至斯不知息微躬側聆
天雞鳴凡耳初破聾吾從汗漫遊朔景鞭垂虹濯纓咸池
淵晞髮若未木叢親串不我忘惠音赤錚公長哦賦來歸閱

尔世上雄

寄題栗亭縣名嘉亭 邑令趙洋更此新亭名取杜

甫同谷紀行詩栗亭名更嘉之句因其親能希邈求

吾詩癸酉九月將扶疾東下感而為賦

少陵昔避地幽棲鳳皇川始願獲其所賦詩此終焉
美林麓蔭膏腴上田陽坡饒垂珠陰谷繁玉延長
斲勤禾斲服食攀飛仙兵祲奪和氣力耕無善年
林垌開冰雪旬浹斬庖烟嗚呼歎七章暮節西南
遷環堵久蕪沒斯亭名尚傳茂宰愴懷古增崇殊
過前彫薨揭長簾下客十客造嫩嵐隔春叢清竹
鳴夏蟬風月有高典寫之武城弦狂客

屬兀廢駕筋雖強鞭何暇遠登覽但哦鯨海篇尚苦八口
累依佈同曩賢餘齡寄幻境未斷東西緣江淮米價平一
舸去悠然幸此歲豐樂浮游吾所便異時訪陳躡復使後
人憐

遊盱眙南山示楊介 介善方藥著書甚多癸酉十

一月與之同遊賦

霜曉無輕颺長淮淨如眼招携南山遊老子興不淺不從
千步橋飛度一漁舸中流鼓素楫鱗鯁歛驚跳禪叟延遊
客勿問行色千里遠京關浮驂去安適長嘯指滄浪濯
纓漚我裳朱門曳裾地槐柳自成行多年困靴板未立中

人產沈痼迫哀遲求田吐何晚神丸僥駐迨投此寄餘年
鑿室隣楊氏然薪繫太玄

訓別野^野昭杜輿

杜字子師方築淮上東山之居寄

詩要余儀舟以待其還時聞揚子江潮不應輟浙右
之遊將訪親於海陵因賦此告別癸酉十一月也

君希謝太傅築室卧東山應攜玉人去為問何時還扁舟
欲之東霜落江潮慳誰從京口渡且轉廣陵灣與君合復
離帆若愁夢間嬰疾再寒暑醫師憐我頑顏齡未遽盡解
組^誓投閑出岩有芳桂晚歲約同攀

留別龜山白禪老兼簡楊居士介 癸酉十一月癸

已朔風下淮晚次龜山白禪老見臨乃歷陽之舊也
因賦此詩以別

汴尾望龜山人烟了可數長淮斷^音日風浩若千里阻舟
魚百石載兩腋憂雙舫鷁首盪頽波中流几翔舞維稍迫
曛暮坎、禪林鼓曳錫^錫尋來過依然識眉宇青熒燈火畔
再得親軟語多慙晚聞道忠義夙自許剗腸憤激際赤手
搏豺虎過壯纏百病餘生託兒乳羸軀假緩死豈復勝冠
組會約子雲孫西岩西菴主

題海陵開元寺棲雲庵

寺即唐王屋禪師道場甲

戊五月郡守周開祖要余同賦

道人犹浮雲發彼玉屋岑朝見膚寸合暮為四海霖造物
一戲耳浮雲本無心永謝應龍召深棲雙樹林蒼生執惱
地千載仰慈陰皎月示弦晦清風何古今誰舉甘露頌羈
然海潮音支離病居士和以無絃琴

寄題潯陽周氏瀛溪草堂 周本江華人名敦頤字

茂叔仕至尚書郎累使嶺表中年投節退居潯城之
南溪上因名瀛溪以自况二子壽字元翁盡字次元
相踵第進士丙子五月余棧舟漢陽始與元翁相際
求余賦此詩

瀛溪之水清未足濯公纓平生抱苦節成就此溪名長歎
置符傳孤雲歸思輕溪頭四壁居溪下百畝耕量汲奉晨
盥課樵共夕烹希逢杖屨遊但聽弦歌聲為客剪三迳傳
家通一經雙珠交照乘合璧倍連城禍被有餘樂問鱣無
隱情桂林兩枝秀借尔俗眼榮昔仰名父子今推難弟兄
不應文範裔遽謂公慙卿如龍襲帶礪封母為叔利傾地實
寢丘比有力安得并勒詩高岸石敢告後代生

送周壽元翁西上 丙子七月賦余時卧病漢陽

露草蔓前庭微虫思明月霄分耿不寐懷我友生別舟師
望箕宿綴慢須明發鷁首託歸風安知川路闊夫君青雲
士行奉紫宸謁一鶚扶塵笮騫軒應霜節仰追鸞雀駕肯

散

顧孤兔穴越客寓荒城卑悽慕鳩拙哀遲積厄弊未死人
事缺懶製一緘書寄声彼朝列方今百廢舉哀戚補何闕
每自幸餘齡江湖傲華髮躬耕固難強五斗代薇蕨摩腹
遡南薰蒼生解煩唱

題陶靖節集後

丙子七月寓居漢陽手校陶集因

題其後

淵明不樂仕解組歸紫桑柴遡風北窓下坦腹傲羲皇儲粟
既屢空乞食何惶惶有身即大患斯語聞伯陽願我亦多
忤立契思退藏慙無辟粒術去勺耗官倉

補感寓詩

余熙寧元豐間常賦感寓十數詩久止

其藁丙子七月因曝藥楮得此篇半已裂去不可記

遂補成之時寓居漢陽

猛虎未出押擾如搏鼠貍蒼鶯鷹方在韝孱甚伏郊雌弭戢
以遠禍孰云尔無知幸遭縱釋仁返謂人可欺豈復念前
辱搖尾垂翅時捧肉斃儕類戕忍犹天安吾將罪虞者奈
何生致之南山有重阻鄧林無膠枝机筭與羅罽今也將
安施

黃鶴樓

在鄂州使宅之西南隅唐閻伯程記云園

經載費禕登仙嘗駕黃鶴返憩于此遂以名樓焉并
見於神仙傳与述異記按屬書傳本江夏鄣人也為

刺客郭循所害豈道家所謂兵解者歟丙子九月始
登此樓因賦

登真者誰子昔有費公諱長白日玉書下青天駕鶴飛此地
少留憇神標帳依、振裾謝塵濁与尔方遠違層樓冠陳
迹江山長四圍登臨美商素兩氣薄西暉水落洲紫嫩風
豪帆背肥飄然起遐想琳館閔岩扉明月識悠濶白雲疑
是非金桃未遽熟薤露虞先晞高樹兩華表長招羽駕歸靈
瓢五色劑定與遺民揮自頽之仙質延生犹可希力圭僥
不恠如飽首陽飢

鸚鵡洲 在鄂者南浦上按圖經云因稱衡賦鸚鵡

於此洲遂得名後黃祖殺衡投尸此洲下胡曾詩禰
衡珠翠逐江流是也丙子九月賦

興

鸚鵡隴下鳥能語奇羽毛羅爵巧相致瑠籠閑鑄牢長懷
故烟園樹烟雨落空巢萬里遷澤國舟璣、勞正平託物
賦健筆不停操千載訪陳躡晴沙葭菼高珍禽不復見慨
想若人豪處士起河朔英風拔時髦文章儼墳誥俛就犹
詩騷兒汝命楊孔奴兵視刘曹姦雄可奈此東之投楚郊
忤俗竟非命惜哉時不遭非無擇木智天下方滴、遺幹
泥魚腹浮竟誰復招近結屈平好佩蘭雜申椒遠慙子胥
烈怒氣翻秋濤空餘春艸碧恨血滿江皋

懷寄周元翁十首

丙子十月江夏作

周郎假沔官我偶來沔居得閑定相遇談笑沈痾祛俄聞
戎樓角曉引吹咿鳴自君居湓城况一夢餘復求若輩
人陶竈搜璠璣誠為天下士豈特江漢無周郎嗜茗飲偶
與吾好同贈行發吾寶紫壁瑤雲龍此實太官物分甘玉
堂公我曹百石吏藜藿每不充詩人盡得嘗可以驕萬鍾
願君間一歎千里共清風周郎塵外人冰瓚立寒玉去我
千里餘炯炯長在目有德且有言可採篆繡竹未為造物
於方狗斗管祿司晨屬群雞安事彼鸞鵠聊自况疲鴛鴦
車不為辱周郎妙雅道五字可人師許與非不嚴奈何取

我詩我詩如秋虫徒增長年悲指疵固有望遂臭得無嗤
詩鳴人必窮我窮豈所宜願君勿閱此晚節益經奇周郎
歸瀟溪早燥害嘉穀仰飽百指餘嗷然坐空屋應書乞米
帖得繼朝來粥行陞大夫籍月賜萬錢祿振顛屬它年盤
殮羅海陸毋忘佛子言不食大夫福周郎西笑時疊寄兩
函書情親語懇到骨肉所不如抄翰騁道放抵突黃與蘓
黃癯曳羸筋蘓厚凝脂膚我於季孟間增少損有餘家雞
敢復道儲此橐中珠周郎走王都馬足塵翻波賀老宦江
夏無人驚雀羅出處躁靜間奈此貧病何平生解指誓晚
境勿娑娑迫死不得休前言食已多尚敢猷閑冷歎為赴

詔

火蛾周郎強仕年藥石甘苦口得無耗天和湯劑禦衰朽
空華与色種、竟何有妄受溫柔鄉蕩然不回首坐冷
松桂姿凋脆等蒲柳幸勿易斯言前車鏡湖史周郎有史
才班馬可並驅紛、諛諂人畏君筆削誅我恨接君晚要
亦君之徒况沈痼積歲月願此留須史志我壙中石賴君文
不諛庶乎陵谷變名字見君書周貫江華而復歎湖湘我
亦非樂此西歸許范、顏年抱沈痼生理豈得長後期真
何時存歿兩莫忘懷君輒賦詩落筆聯十章它年一掩卷
為我涕浪浪

計

題武昌鄭判官直節亭

鄭名深字文通植竹開亭

於官舍東南隅名直節以自况丙子十月落成求詩
為賦

開亭榜直節寵爾青琅玕歲晚傲霜雪不同天下寒挺立
百丈夫被之古衣冠春華白粉澤正色莫敢干越客與登
覽微吟復長嘆六翮方抃戲雲海翻狂瀾僥逢龍伯公何
憚剪一竿岐山鳴鳳雖久刷五色翰何以慰朝飢美實來
加食高材陋時用自持良獨難百頭栽桑管伶倫非古官
浪遭野王輩三弄為人歡願製殺青簡燦然漆與丹褒貶
約魯史終古垂不刊願此託根地辱哉久泥蟠

缺五字

題潘太臨東軒 潘字鹵老隨親官漢陽關公舍之

東軒著書名左史賦詩見寄因答之丁丑八月江夏
作

陳公少荒誕一室未遽埽事功竟何成老魅死不早潘郎
治寓舍筭禿無遺蚤庭砌時蘭萱未霜除惡草明窓幕輕
素朝日上杲々烟蔓擢薰爐松腴浮墨沼著書批魯史百
傳見脫藁賊亂亂久逋誅吾方力窮討不應西覩下僅獲少
正郊坐可驕素臣俾渠眸子瞭而翁晏退食筆削日課了
伯仲詠南陔餘風諷林抄安知自娛適聊尉堂上老起居
侍杖藜寒燠躬煬燥昏定仰屋眠是中亦大好

送咸寧陳令完夫移官吳郡陳字保神丁丑十月

抄

江夏賦

蒿萊東郭居長者車成轍禮經尚徃來豈為我輩設臨分
懷出餞津遠舟速發十月雁啼寒滄波洒微雪送君一樽
酒孤飲聊耳熱會取屈平書商聲歌九闕開正到吳郡暘
暖張燈節兩地見梅花相思不同折官閑羈絏 陳迹得
速 故時人唯餘劔池月名城見圖繪丹墨殊滅裂細與
賦新詩長封寄天末老狐首立志客子敢忘越未死定歸
東柴荆晝常閱右軍領妙語年大不堪別况復魚鳥情飛
沈方此訣

和潘幽老漢上屬目 戊寅四月江夏賦

白雲蒙山頭清川山下流芳洲采香女薄暮漾歸舟並蒂
雙荷葉逢迎一障羞持情不得語大婦在高樓

慶湖遺老詩集卷第四

慶湖遺老詩集卷第五

近體詩七十二首

雨餘晚望 熙寧丙辰五月臨城賦

相應乳鳩鳴桑間返照平明津小舫度高隴一牛耕林藪
歸心健塵埃病骨輕屈騷兔在末許獨君清

自訟 元豐戊午六月滏陽賦

朝聽明鍾出暮隨衙鼓歸朝復暮是與非跡寄
并沈路言投禍福机何窮百年事端使一心違

待曉朝謁天慶作 己未下元滏陽賦

望曉謁琳宮荒庭露氣濃魯陪羽林仗如待景陽鐘薄宦

情無几勞生夢不容樵朋與漁伴佗日會相從

送李易初還汶陽 癸亥正月彭城賦

客宦愴離群徐方復得君青衫初試吏白面頗能文画舸
浮春水清樽醉舞帚它年會相訪分卧北山雲

重送 張澤樂郊皆汶陽遊燕之地

夾岸雪初消青々見麥苗傳声汶陽客已解木蘭橈春水
生張澤春風動樂郊良遊知不負回首念無聊

春書 癸亥二月彭城賦

新蠶絲浴罷舊燕未來前吏局坐如夢物華行可憐藻生
南浦釣雨足東臯田故國負歸約塵埃年復年

擬温飛卿 甲子七月彭城代王文舉賦

露經朱甍上風簾翠鎖前宿衾薰菡萏朝鏡拂漪漣津潤
銷金筆香依撲粉綿度閑雙陸子撥恨十三弦鸚鵡殷勤
語旃檀委曲烟鮫綃乾玉筋魚鑰限金蓮團扇訓桃葉烏
絲代杏牋朱門長窗白馬自翩々雉釣三珠樹徒拋七
寶鞭酒闌應有待夢破即無緣信鵲新秋去孤蟾後夜圓
浪言墻外地的是洞中仙

快哉亭朝暮寓目二首

夙起喜舒曠徑越城上樓初陽動禾黍積雨失汀洲水牯
負鴟鴞山樞懸枯萋坐慙真隱子物我兩悠悠積潦際危

堞登臨西照中苔衣冒白羽槐蔭懸青虫不淺胡床與無
多團扇功目窮犹起美^美演漾一漁蓬

題張氏白雲莊 彭城張謀父居泗洲之東山耕田
數百里中擇爽塏列樹松竹結茅其間榜曰白雲莊
甲子九月置酒招余與冠陳王李子酒酣賦余得雲
字

江左陶徵士高風昔所聞應慙五株柳難比一溪雲我有
乘桴約君方植杖耘悠々竟何得晚歲盍同群

賦得枕上聞雁 用天字甲子冬至日冠元弼席上
作

朔吹飄驚雁寒声徹枕前遠違沙漠雪不下汶陽田客夢
悲中夜歸期隔故年莓苔與菰米何處是湘天

和人遊白雲莊二首 乙丑正月晦日與余鄉段詢
慎從李成父冠元弼步出彭城之上洪門泛舟訪張
謀父於白雲莊晚歸皆被酒段集古人句成二首示
同遊余因走筆和之以送謀父後旬餘慎從感疾物
故張復出是詩使人泣歎弥日

原野正春風登臨一醉同陰晴時未定今古思何窮山勢
落還起溪流噎復通隱君方自得可羨尔冥鴻可愛白雲
翁前溪棹釣蓬耕樵一選下井臼四憐同倦宦終何得餘

生寄此中預煩多種林毋使酒盃空

早夏 乙丑彭城賦

吏役初無補端今樂事妨不知春遂去但愛日何長薄雨
梅含核溫風麥擢芒須容退食暇一枕夢吾鄉

辭酒 乙丑正月彭城南臺席上賦

魯酒一樽薄吾愁萬斛多塵埃斬馬劍涕泗飯牛歌髀肉
生如許顛毛黑几何功名可復道身世兩蹉跎

送陳傳道揖官雙溝 乙丑六月陳發彭城樣舟漢

祠下者累今日余方抱疾不遑出餞日賦是詩

弭檝想登臨閑雲護日陰青蒲泗水濶古木漢祠深應醉

盃中物誰聞澤畔吟禪坊養疴客輕別若為心

遊滕縣時氏園池 乙丑八月賦

珍重西園主開門待子猷城隅樹交蔭樓下水通流鴝鵒
鳴深竹蜻蜒駐小舟可能忘夢想塵土滿徐州

自鄆還徐道中 乙丑八月賦

八月過新雨行雲弄晚涼山川乍明晦禾黍半青黃西去
真何事東還非故鄉悠悠塵土裏無路不亡羊

早發王村道中寄李智父 乙丑八月賦

雞鳴戒徒御驅馬度前陂得雨人耕早邊山日上遲罷休
何復道會合邈無期賴有西來水悠悠慰我思

暮投葛墟馬上 乙丑八月賦

雨

旬浹走千里塵埃如有緣慙無季子印可換洛陽田廣澤
雁行去荒山西脚懸長亭猶未見疲馬不勝鞭

汴梁夜泊示畢紹彥祖 元祐丙寅二月永城作

耿々度中夜浩歌誰與酬屋頭風卷岸枕底浪澎舟春物
行飄忽鄉心久滯留頃明投吏部一醉驛西樓

丙寅舟次宋城作

水館雨邊村登臨奈斷魂黃花開小徑紅粉哭高原舟楫
逢新火松楸老故園斜陽一千里依約是蘇門

京居感興 丁卯正月賦

為問長安客何人識要津長持一馬箠浪走六街塵城闕
烟中曉関河雪後春故園飛李在樽酒願相親

王津晚歸馬上 丁卯清明京師賦

落日南城陌東風禁火時醉醒皆自得單袷正相宜綠樹
侵高閣繁花洒曲池未應判節物可奈故園思

西城有懷舊遊 丁卯七月余以將作屬日至瓊林

金明督察營繕偶懷陳迹惘然回賦是詩

西郭天泉里依稀得舊遊綺羅紅艾曉絲管萬蟬秋柳礙
鞦韆陌萍沈被襖舟華年勿復道誰為駐東流

苦竹村南馬上 戊辰四月晦日賦

歷陽

楚澤薰風後林臯夕照間
漁舫沿綠岸鳥道轉荒山
久負盆中樂長偷馬上閑
悠悠白門路何日杖藜還

題諸葛洪田家壁

地名諸葛亮洪在烏江北八十

里与江南石頭城相望 戊辰九月賦

晚度孔明碕林間訪老農
行衡落葉逕坐聽隔江鐘
後舍燈猶織前溪水自舂
無多遊宦興卜隱宰相容

訓桂林從叔

戊辰十一月歷陽遣還使賦

江到三湘盡山圍八桂深
龍蛇寒下蟄霧露晝多陰
迢遞馳梅信殷勤訪竹林
淮南風土美留滯亦何心

寄金陵倉官趙令翬通直

趙諸王孫戊辰十二月

歷陽賦

歲律倏云莫王孫興可堪
羨雲歸日下隨雁滯江南
卑濕求長健登臨賴半酣
西川眼中近早晚寄華絨

懷寄潘孝本兼簡其子言

潘字景仁時遊官嶺外

己巳正月作

春色先梅嶺秋聲後桂林
溪通五羊險雲近九疑陰
無雁難逢信有猿能伴吟
一樽燒酒美應對阿戎斟

送張高老西上

張名夢臣吳郡人己巳九月歷陽

賦

霧氣欽陂澤鼓聲催客航
兼葭宿露鶴盤朝陽行役

自茲遠離愁安可忘黃華一樽酒何處望吾鄉

題烏江東隆山鄧氏亭 己巳九月作

逋客今何許空餘接隱亭舟隨潮水上門背夕陽局兔策
塵生蠹漁簑兩化螢題詩岩下石聊代草堂靈

登烏江柏子岡懷潘景仁 己巳十月賦

驅車柏子岡引首東南望孤戍帶寒日長江流大荒故人
越五嶺旅雁留三湘好待春風暖相隨還北鄉

宿黃葉嶺田家 己巳十一月烏江作

聚落荒山裏畬田歲不登牛衣障隙雪鼠穴見鄰燈愁信
魚難暝寒凝酒亦冰悵然歌白石推枕待晨興

遊六合定山真如寺 達磨第一道場 己巳十二月

賦

隻履西歸遠何年此布金地寒蒼檜老歲晏白雲陰燒隔
溪水斷樵穿徑雪深祖心無處問俗駕晚駸

同道通師之香林馬上 庚午正月歷陽賦通喜為

詩從吾遊甚久

冰霜節候遲淮楚早春時白草風頭急黃雲日脚垂鳥聲
投古戍馬力倦長陂吾有官箴畏勞生尔浪為

題烏江丘氏昆仲歲寒亭 植柏亭下故命是名庚

午正月作

俠

新甫移根遠蒼然對兩翁開門三尺雲仰枕一亭風東郭
顏何厚西來意莫窮未應輸狹少釀酒待春叢

送左禹赴江夏尉 左字塗叟庚午四月烏江賦

汎、青翰舟亭、黃鶴樓江山信清灑人物想風流美酒
遺歸思新詩題 日遊有魚知不食端作置書郵

高望道中 庚午五月烏江賦

積雨漲陂塘田塍插晚秧遠山宜薄莫高燕美微涼馬草
非吾願魚殮餐此鄉歸期知近在猶待菊華黃

湯泉道中 庚午七月烏江賦

青石岡西下灵泉產藥苗山英如有待木客可相招蟬帶

風移樹塵隨馬度橋颺鞭吟旧句歸路不知遙

留別王掾元晉 庚午十二月歷陽賦

之子貫東牟青衫試宦遊顛非小賀北燕自阿戎流未即
芸香拜俄先瓜戍秋孤蓬別夜思霜月滿滄洲

檣舟當利口待風累日懷寄城中朋遊二首 庚午

十二月歷陽賦

一葉寄津口怒濤安可乘朝風占酒旆夜爨乞漁燈井渚
逢新月秦淮想結冰故人佗夕夢歌吹滿金陵離憂不可
解罷酒獨登臨潮落江空闊雲繁歲晏陰愁鴟守漁罾怒
犬突神林觸目增悽斷聊為澤畔吟

重別王掾 庚午十二月六日自歷陽當利口放舟
至沙夾王元晉載酒旋訪別因留宿不發重賦此詩

以贈

別訪難遽了不知寒夜長回燈撤盃案抱被宿船倉載聰聽
遠雞唱稍分征雁行臨風滿掬淚吹落一衿霜

投宿清涼寺 庚午十二月望日自秦淮亭信馬出

石城門作

建業衣冠集秦淮舟楫屯東西萬里客朝暮兩潮渾何處
契心賞片時清耳根僕夫浪見問但出石城門

金陵懷寄歷陽王掾 庚午十二月賦

征虜亭邊路望夫山下舟長江不隔夢明月祇供愁促席
歌塵新閑寤醉墨留惜芳橋畔柳誰繫木蘭舟

秦淮夜泊 辛未正月賦

官柳動春條秦淮坐暮潮樓臺見新月燈火上雙橋隔岸
開朱箔臨風弄紫簫誰憐遠遊子心旆正搖

鐘山法雲彥上人留中飧罷遊草堂寺 寺即周顒

故居 辛未正月金陵賦

弭楫秦淮尾登臨殊興迴難銷蔬飯飽更過草堂來日轉
崑扉暝風披蕙帳開吾非海鹽令猿鳥莫相猜

訓別法雲彥上人 辛未正月金陵賦

將別雁門師殷勤訪所之江湖懷北闕鷗鳥恋南枝朝隱
非吾所山英不汝欺明年冬下約春水漾蘋時

易官後呈交旧 辛未九月京師賦

當年筆漫頭投說劍氣橫秋自負虎頭相誰封龍額侯聊辭
噲等伍濫作詩家流少待高常侍功名晚歲收

辛未與龍節日懷歷陽王掾元晉 昨是日余解

舟渡江此詩京師賦

昨歲東溪口扁舟欲下江伴愁燈映慢欺睡月侵窓漫寄
書連紙誰同酒一缸何當見之子聊使我心降

廣津門東馬上 壬申二月京師賦

津頭落帆鼓薄暮尚蓬蓼疑是秦淮口扁舟醉夢中不堪
隋岸北塵土一鞭風傳語端能否伯勞飛自東

久病寄二三親友 壬申八月京師賦

早昧揖生理百勞戕至真藥靈翻佐病詩癖竟窮人終負
黃壚恨長連白首親一囊安可得四壁未應貧燈下塵編
淚風前墓草春僥忘雞酒設腹痛勿多嗔

秋夜聞雨晨興偶書 癸酉八月京師賦時欲扶疾

東下

故國心馳北扁舟計漫東寒生一夜雨病涉兩秋風落泊
籬根葉出憂屋角虫何情悲節物聊自况衰翁

謝米雍立元章見過 米名芾癸酉八月京師作
今古兩妙令雍立与太丘當時號清白後日想風流吏
庭陰午農歌野色秋吾非荀氏老愧尔德星留

留別米雍立二首 米辨博有才具著山林集數十
卷為人知者特水淫書學而已清狂多忤常上章援
余祠史之請不報輒已因以激之癸酉十月作
明知通夜語累塊寫胸中水癖推刘令書名浼魯公忘猜
悲廩鼠逐熱賤雲鴻不乏佳山水東南著兩翁好住楚公
子山林何處逢官身須自乞俗眼可相容叔夜孀猶鍛伯
鸞傭且春多慙方祿隐尔汝傲吳儂

寶應野泊 癸酉十二月賦

伏枕漳濱後維舟楚澤邊筋骸非壯日節物迫窮年夜雨
侵牀漏晨炊湊鼻烟勞生我其分十口亦飄然

題甘露寺淨名齋兼寄米元章 米日常居此齋甲
戌九月晦京口賦

日出天垠霧江橫地軸分馳年悲落木羈思託孫雲重埽
淨台室長招漫仕君悠々德璋輩未辦勒移文

龜山晚泊 乙亥二月賦

春候半寒温維舟淮上村長林補山豁青艸際潮痕久歇
浮家役重招去國竟禪房欲舒寫烟雨促黃昏

歲暮舟居卧病懷寄金陵和上人
乙亥十二月
野泊
昭淮上賦

野泊歲云暮念歸期正賒津童為過客商舶是隣家雪密
魚依霖潮迴蚌委沙南州人健否不寄早梅華

寓泊臨淮有懷杜修撰
丙子二月賦杜公名綵去

歲總漕於此屢開燕寶訓堂

幕卷歌鬟列堂深蜜炬然臨風鳴羯鼓待月戲鞦韆短韻
吟牋出長簷醉帽偏斯人違薄俗何減孟公賢

舟發金陵望歷陽作
丙子四月賦

尚識歷陽道依然西照間風烟石磧戍林麓楚王山隔水

一疑佇當年百往還誰吟躍馬客衰病再投閑

江行寫望
丙子四月當塗道中賦

斜照侵疎箔微涼逗小窻青蒲故依渚白鳥屢橫江道與
詩三百煎愁艣一雙前舟定未遠疊鼓聽逢道

即官湖
按李白詩序云乾元歲流夜即遇故人尚

書即張謂使夏口沔州杜太守漢陽王令觸于江城
之南湖張公四望超然請白標之嘉名白因號之即

官湖席上文士輔翼岑靖以為知言今所謂即官湖

者占郡城之北東于兩山間縱廣百許步固不足四

東
望而超然也已知其非是且郡南瀕江之人持南唐

遺

時地券尚指即官湖為隣蓋湖為江水所并而去城
里餘猶有洲渚隱然未泯乃湖之故防也余丙子五
月每次沔陽求訪遺老始得其詳因賦此詩志之
當年賢守令載酒沔南遊涼月呈新霽明湖涵素秋即官
夏口使仙客夜即因促膝青螭舫連觴紫綺裘高驩隨雨
散餘躡想風流芳艸失青履滄波浮白鷗江吞百頃盡石
刻一篇留且有沈碑者前懷陵谷憂

題寶泉官舍壁

寶泉監在夏郡城東三里黃鵠山

之陰丙子八月到官後賦

偶著強名字非才思但鑄金不妨稱外監况後住山陰勝日

聊披卷清風故解衿餘生偷祿隱何等是升沈

江夏寓興二首前篇丙子十二月賦後篇丁丑五

月賦

風興鳥便懷懷先塞雁來山經七澤新潮自九江回漁父

猶知隱騷人枉銜才朋遊正相遠梅信為誰開陳湖感坊

市江漢復縱橫沮如莎城沾晴暘竹瓦鳴新文添鵬賦異

味識鼃羹豈復悲流落官糧寓此生

九月十日寄潘邠老丁丑江夏賦潘嘗許中秋重

九渡江見過竟不至因以請之

明日昔如許懷人殊可來徒歌桃葉曲又負菊花開尺紙

緘愁去扁舟載夢迴
它年雞黍約千里信悠哉

送蒲圻陳主簿彥昇歸越
陳字登之
丁丑十月江夏賦

好在稽山北因君訪故園
風流久衰歇湖水自清渾
可得千秋覩相傳
百代孫時聞祖道客不減漢東門

送金壇慎令璫
戊寅三月江夏賦
慎字獻玉年少寡欲奉佛甚嚴

清素復多聞天涯晚得君
相近蒲塞饌細演貝多文
世味淡如水身謀散勝雲
謾為花縣約聊^擬此臨分

寄題盱眙杜子師東山草堂
丙子二月臨淮賦偶

亡之庚辰十月再道臨淮復得於子師因附卷末

東山與物遠松竹蔭茅茨
信有冥鴻志難藏霧豹姿
會招安石起何患德璋移
後日崑崙下遊人想履綦

慶湖遺老詩集卷第六

近體詩長句上五十首

上已有懷金明池遊賞熙寧乙卯臨城賦

西城小雨宿塵消春水溶溶拍畫橋拾翠汀洲白蘋發披
香宮殿紫雲高綵舟日晚綺羅醉油幕風晴絲管焦俠少
朋遊應念我一年佳賞負今朝

贈張士元張字善長喜為詩丙辰十月臨城賦

夫子安貧五十年來生事更茫然青衿稚子彼何有白
首故人誰見憐霜後鶉衣寒綻線日高魚釜凍無烟冗官
犹愧蘓同業不得時送酒錢



雨晴西郊寓目 丁巳五月趙郡賦

城中厭雨過清和偶出西郊野意多
蚕簇趁晴初摘繭麥場經潤欲生蛾
營巢黃鳥啼深樹引犢青牛飲暮河
老圃念人苗疇久挽衣沽酒願相遇

寄周文清 周時流寓海陵丁巳八月趙郡賦

節物驚心不我留故人相望海邊州
芟荷老盡池臺晚鴻雁來多雲漢秋
誰共清樽尋樂事獨將長幅寫離憂
明年芳草青門道好試青衫伴俠遊

寄王岐 王鉅野人黃州魯孫熙寧初京師朋遊也

字夷仲戊午滏陽賦

未從名宦兩蹉跎可但詩狂與酒魔
紫陌塵埃日馳逐青樓燈火夜經過
當時豪傑年方少今日踈慵病更多
唯見僥攔復歌枕往來方寸奈情何

和荅鄭即中見寄 鄭臨城人名淵字鄰幾登進士

第仕至職方即中年垂七十即謝事
居近泚水自目為泚川逸老性嗜詩
雖老不廢與余訓唱累數十百篇
既來滏陽復有詩見寄因和荅之余
詩用它人韵者皆不取特錄此篇欲
見斯人於集中耳時元豐己未重陽日賦

客子由來懷故鄉蘓門冷落白雲旁
夢隨夜月鐘前斷詩

入秋風草共荒操板鑣靴遊宦散開樽揮塵舊歡長
汲川逸老應相念為倚欄干向夕陽

和田錄事君義詠雪 己未十一月滏陽賦

千里龍沙失日荒回來雲物助蒼涼直疑見月應無影未
必因風始解狂枉費鉛華 楚女不禁湯餅試何即回中
自是人間世始悵龜臺去路長

和田錄事新燕 庚午三月滏陽賦

新巢故國兩依依似與春華秋葉期雨過池塘得泥近日
高臺榭卷簾遲鞦韆節後初相見夜襖人歸有所思雙侶
多情擬憑伏小牋封就碧雲詩

冠氏縣齋書事寄滏陽朋遊 魏之西園在滏陽南

漳水上 辛酉四月賦

小閣燒香麝煎濃翠苔庭院綠陰風卷簾燕自雙飛去歌
枕人方半夢中秋髮先於懷縣令春愁多似義城公西園
酒伴無消息欲寄魚牋水自東

冠氏寺居書懷 辛酉五月賦

古剎荒涼晝掩門鳴雞吠犬接西村窓間自記曾歸夢樓
外誰招欲斷菟漫賦新詩題琬琰少逢佳客佩蘭蓀更堪
愁肺經春病負尔商歌酒一樽

題彭城張氏放鶴亭 亭有石刻蘓眉山製文唐之

陽春亭故址在徐城之東薛能尚書有詩見集中壬戌九月賦

曾見君家亭上碑東望風月動閑思昔無卜築如相待今遂登臨是不期萬頃白雲山缺處一庭黃葉雨來時許昌應負重泉恨當日陽春枉賦詩

九日登戲馬臺 壬戌彭城賦

城中霧雨曉冥冥坐失城頭百尺亭行樂固知非我事若吟猶得有君聽未應白髮饒新貴任使黃華笑獨醒異日肯尋雞黍約太行長遠故園青

題彭城南臺寺蘇眉山詩刻後 癸亥十月徐之走

卒還自京師誤傳蘇黃州被召南臺寺公旧題教詩

先摹刻諸石因賦此書其左

秋風几度老江籬鼎水眉峯隔夢思下走誤傳宣室召上前誰進子虛辭東坡麋鹿同三徑西掖鸚鵡占一枝獨有野僧違一俗翠珉新勒舊題詩

春懷 甲子二月彭城題

東風吹雲陰復晴西日冉冉林間明著水苔衣漸洒綠向陽竹鞭初引萌官糧得飽酒不足春物有意人無情馳書相謝五陵俠汗板塵鞞今半生

登快哉亭有屬 甲子三月二十五日登快哉亭偶

雪

世

聞舟中吹楊葉者有懷京師昔遊目賦

南浦來風拂水文汀洲芳草綠羅扇桃花日葉應相望楊
葉新聲我獨聞酸鼻可憐香欲絕斷腸不待酒初釀斜陽
歸去書窓下一幅畫牋賦夢雲

和彭城王生悼歌人賦盼 馬氏善書染死藥

南臺即鳳皇原也生賦詩十篇因和其一甲子四月

望

東園花下記相逢倩盼偷回一笑濃書簾尚緘香豆蔻鏡
奩初失玉芙蓉歌闌燕子樓前月兔折鳳皇原上鐘寄語
虞卿謾多賦九泉無路達魚封

臨汲亭送客還馬上作 甲子九月彭城賦

袞：塵埃與願遠可堪持酒送將歸壯心已服駕駘老羈
思常先鴻雁飛十口無厭太倉粟四鄰分采故山薇何時
偃卧柴桑里自詠淵明昨日非

送陳傳道揖雙溝成高稅 乙丑六月彭城賦

牆外長川擁萬舟門前山色入南州風來浦口客爭登日
下庭陰印未收乍歇折腰從吏役屢應回首念朋遊病夫
頗有東流興預約清樽為少留

送彭城周主簿建中移黃縣令 周字元通乙丑七

月賦余方抱疾

客宦逢迎泗上州酒籌詩卷慰淹留九層燈火偃王塔四
面溪山彭祖樓此君去辭棲棘地年來居有負薪憂終期
一過河陽縣相對春風話日遊

寄題狄邱李偉官舍東齋 李字子微新葺東齋成

有書求詩因次書中語以題之乙丑七月彭城賦

樹竹開窓小屋東低簷却日竹通風長年馳騖欲何往終
日退藏於此中求歡睡魔常有在若思人事即無窮躬耕
不是悠々計來作蘓門鄰舍翁

病後登快哉亭 乙丑八月彭城賦

經雨清蟬得意鳴征塵見處見歸程病來把酒不知歡夢

後倚樓無限情鴉帶斜陽投古剎草將野色入荒城故園
又負黃昏約但覓秋風髮上生

送李宗古錄事謝病南歸 李字從己乙丑八月彭

城賦

十旬病免謝雞群收得閑身付白雲南浦少留 別賦比
山相待敢移文松舟桂楫曉將發菰葉鱸魚秋未分異日
有懷長咲客西飛燕子一相聞

汶上留別李智父 乙丑八月賦

一馬西投汶水濱自驚秋髮帶塵紛秋風盡日吹黃葉心
事經年寄白雲去矣尺書勤訪我醉來樽酒強醅君北窓

絡緯寒声急明夜傷心獨自聞

奮陳傳道 陳以余領寶豐錢官每有賀監之呼因
賦此詩感為奮乙丑九月彭城作

吾家季真登大蓬我為斗筲來寶豐公平時以監呼我自
笑名同寔不同樽酒相望今夜月鯪魚又負一秋風少須
婚嫁匆、畢會買扁舟下淞東

懷寄寇元弼 時寇官荆山戍乙丑九月彭城賦

君投筦庫可知非我飽官糧又願遠回國秋高鴻雁過長
淮水落白魚肥西風吹夢端相覓南物苗人也念歸何日
蘆軒下雙榻滿持樽酒洗塵机

招寇元弼兼呈白雲莊張隱居 乙丑九月彭城賦

長缺長缺歸來予十口想獸淮南魚遊宦非圖飽而已浮
生且問樂何如定無佳客清樽酒賴有古人黃卷書我亦
塵埃同病者与君長媿白雲居

奮王文舉 王詩有何時面青山相並兩茅屋之句
乙丑九月彭城賦

茫茫塵土欲安之珍重吾人箇處期綠野相隨一藜杖青
山正對兩茅茨自憐惺惚負平昔尚敢婆婆臨暮遲第恐
阿戎犹喜仕它時不与五君詩

題淵明軒 陳傳道葺雙溝官舍瀕水之北軒索名

予我因命曰淵明軒陳即日去賊余高斯人為賦是
詩寄題軒上乙丑十月彭城作

淵明新榜揭門眉夫子高情俗不知未仰**秬**抗供歲計本
於松菊有心期卧來不淺義皇與歸去何慙鄉里兒憲破
簷傾從此始祇應風月解相思

將發彭城作 元祐丙寅正月賦

四年吟笑老東徐滿目溪山不負渠得來徑須償酒債有
田便擬卜吾庐明朝門外扁舟雪別夜燈前滿紙書會問
奴：解携客相思命駕定何如

留別張白雲謀父 丙寅正月彭城賦

三年官局冷如水炙手叔門我未能賴與白雲之隱者不
談黃卷即尋僧蕭蕭簾箔風披竹草之盃盤雪洒燈塵土
浮遊漫相遠吳魚燕雁兩難憑

留別寇定 字應之元弼兄子丙寅正月彭城賦

不見步兵今一秋年來復與仲容遊蒼顏白髮慙衰暮縱
飲狂歌作輩流願我宦情真漫浪為君行計幾淹留能尋
三月黃州約拍手同登賣酒樓

永城邂逅周元通再索詩贈別 周將道海之官黃

縣丙寅二月賦

汎汎流萍滾滾蓬偶然南北偶然逢一樽通濟橋邊酒兩
夜臨淮驛外鐘行矣風波宜尚慎歸哉塵土不相容事功

早立須知退季稼它年訪老農

寄題泉南陳氏步雲亭 永城主簿陳琳字伯雋居

泉南之東山有亭名步雲出圖求詩於余丙寅二月
賦

紫翠峯前水一灣
趨亭微徑白雲閑
漁樵不見携筇去
猿
雀相隨采葉還
晚月帶潮來海上
春風吹雨到人間
恨君
輕為蒼生起
曾得東山几日閑

題永城縣園水亭 丙寅二月賦

詰曲池塘碧玉流
禊亭孤占小汀洲
長紉座上芳蘭佩
不
繫簷前益鷁舟
好泛羽觴修旧事
為書蠶紙記清遊
季真

待得東還日初見紅蕖十畝秋

同畢紹寓泊水城招李深昆仲 畢字彥祖李字道

源丙寅二月賦

滿城楊柳正黃繁
几處鞦韆出短垣
經雨河流失清淺
帶
雲春色乍寒暄
從來嵇阮耽琴酒
况得机雲好弟昆
咫尺
津亭望齋館
杖藜相遇莫辭煩

送畢彥祖先之京師 丙寅二月賦

日、東風吹旱雲
美鞭低帽送西曛
客亭五里復十里
春
物三分今二分
但解征衣平酒債
莫隨肥馬作塵紛
扁舟
不及清明約紫筍
來櫻未負君

將發永城田題李氏齋壁 丙寅閏月賦

匹馬扁舟寄此身可憐投老尚迷津黃塵是處隨遊子明
日相逢即故人東道琴樽能惜夜西園花絮欲傷春分携
後日忽_々去灯火虹橋夢更頻

東居春日遣懷 丙寅閏月賦

青梅小葉柳長條相對春風各動搖物色依_々如有待人
情忽_々自無聊五陵劍俠知誰健三徑_徑車工不我招好去
廣津門下水新秋穩送木蘭橈

送趙令時之官陳州兼簡周文清 趙字景貺越懿

王玄孫時蔡僕射鎮淮陽丙寅十二月賦

朱衣白面懿王孫好去淮陽事相君已放扁舟下南浦吏
持樽酒醉西曛青雲計自此行始明月惜從今夜分擬仗
短書裁不及但傳窮達報知聞

汴上有懷李易初 丁卯三月京師賦時余請罷大

匠屬為淮南行

何處經行特網_網然津頭曾送木蘭船桃巷春水生前夜揚
柳秋風憶故年駢蹄尺書疑斷絕官倉斗米愧苗連飄飄
復作江湖計從此長安是日邊

訓宗室令率惠墨 令率字景道丁卯四月京師賦

麝煤新劑黝而堅誰謂奚生法不傳信是文房希代寶益

要報

知公子道人賢蔡中郎老喜飛白揚執戟窮耽草玄雅意
肯安瓊玖執千丸聊以助吾顛

陳田南城馬上簡李公年 李字之茂戊辰二月賦

南郭何人卜築幽平田高謝帶清溝隔墻野鳥啼晴晝駐
馬行人照白頭二頃難尋歸老計一樽宜結探春遊步兵
不惜供廚費更作東風數日留

寓旧金陵尋王荆公陳迹 戊辰三月作

晚泊扁舟一問津依然節物思羈人江山月照六朝夢桃
李風吹三月春宅枕謝公墜下路詩尋蕭寺壁間塵可須
樽酒平生約長望西州淚滿巾

答孫休兼簡清涼和上人二首 張岐山人字安之

戊辰三月邂逅於金陵清涼寺休詩家流以兩篇備見

投因答之

聲迹相聞忽此逢杖藜蕭散一相從平生詩酒真吾事何
處江山不尔容芳草自生南北路孤雲難繫往來蹤異時
荒戍長回首風送石城樓上鐘

渭北人遊楚水東論詩說舊偶從容鄉閭此日几多遠春

酒与愁相勝濃且免牛衣愧妻子莫将羊酪託吾儂哀王

孫賴弥天釋肯學揚州飯後鐘

春懷有寄代同行作 戊辰三月金陵賦

未應一咲為千金且解樽前綠綺琴
歸雁不將書北去行雲長伴日西沉
楚蘭徑遠飛黃蝶湘水簾空對綠陰
魚復賞心詠節物斷腸翻詠白頭吟
送潘景仁之官嶺外兼寄桂林從叔
戊辰三月金陵賦
夜銜舟尾畫聯檣齊發都門到楚鄉
我欲塵埃授袞君方湖海去茫茫
傷心客路逢寒食回首家園但夕陽
想見步兵應訪問仲容無復竹林狂

同王克慎宿清涼寺兼示和上人孫安之
王字周臣寺有白雲上方戊辰三月作

六代風流不可尋石頭勝槩古猶今
疎鐘谷響江山迥啼鳥忘形松竹深
借問白雲誰卜築擬要明月共登臨
絡接逸少興公社蔬粥麻衣事道林

答王拙見寄王字閑叟戊辰五月石磧戍賦
好在金陵王隱君尺書忽與我相聞
尊鱸久負秋風約猿鶴終尋舊日群
橫笛卧吹南浦月扶藜笑度北山雲
六朝陳迹何須問一曲滄浪酒十分

新之可與同

詩於其善日難對面相如南浦民姑嘉笑與此山雲六陣

世非全刻王詩錄又書必與在昨聞廣錄人負林風出

各五姓身事 王宅問妻此是五民五鼓九旗

道心與公孫蕭湘在公事與林

高志深於此到世問自雲指下榮琳要即凡六筆與

內外風流不下長云爾和葉古離公和對答警二山也

慶湖遺老詩集卷第七

近體長句下五十首

寄別僧芝 吳僧法芝字曇秀姓錢氏戊辰九月遊

遊於烏江沸泉佛祠將為京都之遊既相別馬上賦

此以寄

不見江南湯惠休芝錢今也嗣風流燒香弄筆一生事

履佩囊千里遊乞酒未還黃菊晚擬詩初就碧雲秋臨高

跋馬君行矣從此安期始欲愁

度黃葉嶺懷寄清涼白雲庵主 戊辰九月烏江賦

黃葉嶺頭黃葉飛白雲菴畔白雲歸葉隨遊子終相失雲

伴禪翁得所依會解腰間斬馬劍首尋江上釣魚矶焚香
埽地雙林下頭贖今生種非

與張歷陽追懷從禽之樂因賦 戊辰十月賦

宜秋門外養鷹坊好草陂頭射雉場袖幕羶房張野飲錦
袍貂帽結戎裝兵闌落日黃塵斷夢後西風白髮長誰念
江湖獨流寓此情難話與漁郎

歷陽姥 下馬上有懷京都遊好戊辰十月晦日賦

楚澤初冬已穫田孤鴻欲下却翻然人烟隱約青山郭雲
物離披小雪天送別孟盤猶昨日勞生鞍馬遂窮年故人
多在全閨籍誰念心寸如斷絃

烏江石跋甯晚望有懷故園 戊辰十一月賦

山色相銜類太行江流東去亦渾黃鱸魚膾美招來客鴻
雁書遲夢故鄉五斗月支何足道一帆風便可能忘歸田
有計非今日莫把移文揭妙堂

登烏江寶泉寺南山望金陵作 己巳三月賦

我愛金陵望不厭獨尋微迳踞晴嵐柔柔淺艸三月尾躑
塔飛樓一永南葺水流雲牽仿像遲日豔日助醺酣何須
拊手歌菟葉已蒼王郎思不堪

烏江東鄉往還馬上作二首 己巳七月賦

黃塵隨馬染征衣十里江皋送客暉廢井艸荒畫電怒下

田沙漲芋魁肥鮮纓拂樹弄清淺橫榻掃雲飛翠微人生
事、不如意終日念歸何日歸

悠、東去款何之草、西還可是歸殘日西竿荒戍遠青
山滿眼故園非江田經雨菰蔣熟石踞魚風蟻蝶飛回羨
耕夫閑勝我早收雞犬閑柴扉

送歷陽潘司戶瑤移令歸東魯 己巳八月賦

衰俗紛、務近功凡人心迹與君同低回州縣青衫列躄
躍聖賢黃卷中牛渚江山空夜月河陽桃李再春風相望
魯衛無多遠異日能尋賣藥翁

再送潘仲寶兼寄彭城交旧 己巳九月賦

莊

風雨扁舟幸少留為君持酒話徐州白魚紫蟹秋初美戲
馬飛鴻夢屢遊三阮年來知健否李真老去盡歸休白雲
崑畔多閑地不惜橫刀直換牛

九日懷京都舊遊 己巳石蹟成賦

昔年九日登臨處把酒梁王旧吹臺今年九日登臨處江
上黃華殊未開一川落日隨潮下萬里西風送雁來節物
可驚人更老宦情歸計兩悠哉

戲答張商老 己巳九月賦

揚子江頭兩信潮送君西去木蘭橈依、暮雨鴛鴦夢嫺
、春風豆蔻梢細字碧牋隨雁到小簾朱戶抵天遙長安

觸緒牽情地不特免銷骨二銷

題定山寺法遠上人壁 己巳十二月賦

支郎風味喜相親乘興來尋雪後春夾筵竹陰疑礙馬隔
江山色似招人豈無暇日容高卧如有閑田願卜鄰預約
東城二三子安時相遇莫辭頻

自歷陽汎江至赤埭訪別曹解 庚午正月賦

我訪故人不待招滄江謂廣纔容舸離城五點寒更急著
岸兩竿晴日高別來書尺正坐懶老去鞍馬何堪勞明年
淮上更携手醉步卧虹千丈橋

再由赤埭有懷曹夢得 庚午正月晦日賦

江上顛風倒客橋橋江豚舞浪卷渾黃故人漂泊知何處何
日平安到故鄉野色蒼茫春尚淺夢覺慙恍夜仍長可無
百斛兵厨醞此段離憂未易忘

宿芥塘佛祠 壁間得魏相畢平仲張士宗回所留

字皆吾故人也 庚午三月賦

青、橫麥款抽芒浩蕩東風晚更狂微迳新橋尋古寺短
籬高樹隔橫塘開門未掃楊花雨待曉先燒柏子香底許
暫忘行役倦故人題字滿長廊

送畢平仲西上 畢字夷直 庚午五月歷陽賦

吟鞭西指鳳皇州好趁華年訪昔遊新樣春衫裁白苧旧

題醉墨滿青樓鳴鳧雨細生梅潤颺燕風高報麥秋須念
江邊桃葉女定從今日望歸舟

烏江廣聖寺虛樂亭 庚午六月賦

避雨孤篷泊柳陰潮回溪曲稻花深有時白鷺窺魚下竟
日青鳧伴我吟酒飲無人情落漠雲鄉何處老侵尋誅茅
擬卜終焉計不為清風暫解衿

烏江北道中作 庚午八月賦

寒麥田疇雪糝花暮潮洲渚水吞沙鳧鷺長作漁舟伴桑
柘深藏老圃家濁酒縱賢誰與醉青山有價不容賒南來
季得滄浪唱却著征衫袖馬搨

烏江泛舟寓目 庚午九月賦

滄江浩渺寄星槎望極紛々兩眼花但見潮頭澎木杪直
疑山背落天涯鷓夷信得平生樂仲御尤宜抵死誇僞父
慙非能賦手漁郎若箇是詩家

遷家歷陽江行夜泊黃泥潭懷寄馮善淵 庚午九

月賦

黃泥潭口槎征篷回指東城祇眼中半夜鳧鷺先覓雨連
江葭莢自生風青燈解作無眠伴白酒難招一醉同從此
相思寢相遠便憑歸櫂附詩筒

樣亦當利港作 庚午至日賦

為問溪頭潮淺深
片帆長掛北歸心
夜風吹雪曉尤怒
午日破雲寒復陰
江淮行役殊未已
京洛朋遊安事尋
何時穩坐飽麕飯
鼓腹東臯農父吟

放舟下江留寄王元晉
庚午十二月五日賦

檣櫂淹留已涉旬
小窓猶得酒相親
寒潮不應溪流澁
病客未行舟子嗔
揮手便分今夜月
新腸先見隔江春
鳳皇臺上長回首
何處高城與故人

興龍節日渡江懷寄二友弟兼示同行外元祐庚午

燕庭冠珮拜爐香
九劍紛々想定場
江上烹魚犹得信
座

中驚雁已離行
况愁醪酌一樽
酒破睡呶啞
兩艫牀不特
賦詩懷二仲
故呈凡韻
愜支郎

訪金陵王閑叟不遇留別
庚午十二月賦

歌成五噫賃春者
藥不二價奪牛翁
衰俗何知貴
公子清貧頗有昔
人風君方上塚
渡河去我適乘舟
投刺中差池
相失重回首
好住海鷗忘塞鴻

題金陵長干寺塔
庚午十二月賦

南國長干古佛祠
浮圖鴛瓦碧參差
欲追三閣登高作
北渡六朝全盛時
簷角西風掛星斗
墻陰寒雨嘯狐狸
劫灰終換人間世
石甃金棺好護持

題金陵天慶觀鐘阜軒 辛未正月賦

霞高宗諱雲扉不著閑甍簷開處見人間
斷墻廢井連東第
白塔青松對北山
昨夜桂娥弄月去
經秋芝蓋御風還
玉
虛真藉家聲在
再熟金莖願一攀

再訓訥師兼簡清涼和上人 辛未正月賦

莫謂功名是可希
定知求法不求衣
此身於世百無用
異日與君同所歸
遮眼何閑黃卷在
安心更悟白牛非
清涼有道平如掌
豈比他方大鉄圍

阻風白鷺洲招訥上人 辛未正月賦

鳳皇基下鳳皇巢
白鷺洲邊白鷺濤
舟未解維先望見
風

能傳語更相招
江南春物為誰好
淇上歸心不自聊
何日結茅鐘阜尾
幅巾相對一方袍

晚泊長芦有懷歷陽金陵朋好 庚午十二月賦

犀照亭邊兩艦艚催鳳栖臺下片帆開
老盤虎踞行遠矣
牛渚雞籠安在哉
無端鞍馬三年役
有意尊罍異日來
樽酒故人誰待我
故應風月尚徘徊

上巳晚泊龜山作 元祐辛未賦

薄暮東風不滿帆
遲遲未忍去淮南
故園猶在北山北
佳節可憐三月三
蘭葉自供遊女佩
芸編聊對故人談
洛橋車騎相望客
曾為吳兒几許慙

揚州叙遊

辛未二月賦

迷藏九曲屬樵耕野草閑花故有情廢苑春風遠如許隔
江山色可伶生新声度曲復誰道古井酌泉聊獨清杜紫
微灵定相咲青樓薄倖不知名

和錢德循書懷

辛未四月京師賦

咄嗟世与我相疎岁月推排負壯圖狂客大難兼外監方
回小得勝常奴胸中累塊亦何有甬上督郵非所須徑買
一舟歸自好五雲溪接當家湖

席上呈錢德循

辛未四月京師賦

東華纂、桑葉肥老蚕起眠雖雀飛南隣買酒勸行樂越

客廢書款式微式微

式微

胡不歸明日會知今日非旧溪手種

水楊柳長与秋風掃釣矶

壬申上元有懷金陵旧遊

瓦宮大庭千步方燈如流雲月如霜高僧共礼旃檀像遊

女來焚薰陸香旧國破止何物在少季逐樂個儂狂別來

白社更牢諾回首衡湘春夢長

送周元通昆仲官蜀

周郎兄弟皆可人外朗内潤連城珍樽酒逢迎記梁宋聯
驂行邁度咸秦宝雞道上冰雪晚金雁江邊梅柳春公暇
樂遊須念我青衫白髮倦京塵

季

夢遊金陵設堂故基

燕堂遺址壓西州
剪徑捫蘿出石頭
老木駸駸太相逼
連岡衮衮欲東流
歌鐘誰話前朝事
風雨竟驚別夜遊
夢境浮生更多病
結茅歸老信悠悠

寄清涼和上人二首

吾家無擔石之儲
朝四暮三如有餘
比岳官糧飽妻子
南朝僧寺寓圖書
迎船春色情親我
空馬京塵笑謝渠
莫作江東步兵待
翻然端不為鯨魚

南國風流百不存
石頭今是拾孤園
山連雉堞犹侵路
潮送漁舟自到門
方丈定容居士病
貝多應待客兒翻
懸知

後日逢迎際桃李
春風兩不言

寄李趙二友生

東風掠地百草青
顛毛餘几今星目
長年嬰疾折還徃
無處避愁徒醉醒
聯馬尋芳狹斜道
銜舟待月滄浪亭
遙輸此興二公子
漲海未應沈一萍

呈李之儀

癸酉二月賦

淹卧疲筋快曉晴
屋頭相報鶉鴉鳴
病侵老境可伶許
春入故國何似生
坐想蘭亭通曲水
行聞上已接清明
年強健陪嘉集
定奪三觥賦不成

贈張之才

癸酉五月賦

風齡垂耳暮飛黃晚矣相逢兩漫即况我青衫奈塵土誤
君白首坐文章折腰僅最米五斗滿腹莫驕錢一囊多病
勞生餘有几買山築室願隣墻

戴病東歸山陰訓別京都交旧 癸酉十月賦

我家湖水接山溪載病東歸路不迷城郭依然遼海雀
鴻邈矣會稽雞可須印綬懷中出幸有珠玑袖裏携行賦
漁歌寄親串春風吹渡淞江西

東歸舟次淮陰呈邑令旧望 癸酉冬至賦

狂吟醉釣昔悠々衰病方諧散浪遊蔬粥滿杯供我飽
蘭舟繫岸判君留塵埃古刹尋遺篆香火嚴祠謁故侯晚具

不須烹赤鯉聊憑別後作書郵

高郵舟居對雪 癸酉十二月賦

天涯晚曳客無歡擁鼻微吟行路難三楚浮程波淼々
五陵歸夢雪漫漫兔園授簡心猶壯刺曲擊舟興久闌病骨
支離仍禁酒漁蓑重緝待春寒

留別王景通二首 癸酉十二月賦

早年放棄學五雲鄉遠笑垣東俠士場憲也但貧猶未病
公乎非酒自能狂塵埃輦踏春遊散燈火僧窓夜話長後日
相思枉緘幅茱萸灣北付漁郎

遊宦差池太平生君方倥偬我伶俜官銜轉落百僚底衫

色渾偷兩鬢青張掾官曹拋勝日向平家事泪餘齡相逢
一段孟城夢明發扁舟是浪萍

舟次廣陵懷寄京都交旧 癸酉十二月賦
明遊冠蓋滿京華病客東流迹自賒音驛未聞來日下隣
牆不見六天涯尚慙斗粟煩官廩已指扁舟是我家莫謂
因風無可寄雪梅開遍臘前花

廣陵茱萸灣晚泊 癸酉十二月賦

春 雪
冷雲拋雪未成花過埭東風凍暑沙荻浦漁婦初下雁楓
橋市散祗啼鴉田圃南園饒香事行見東風換物華老病
心情亦何有葉囊詩卷是生涯

題杜仲觀南康遺編後 癸酉十二月海陵賦

高吟晚節動江閩自况孤雲豈易攀賦鵬一篇傳日下騎
鯨半夜去人間知音誰復稱流水招隱吾方擬小山固有
清風千古在不應空伴月明閑

慶湖遺老詩集卷第八

青風千石不...

讓半...

高...

...

慶湖遺老詩集卷第八

甲子九月彭城寇元礪帝上賦



五言絕句一百二首 六言附

南京感興六首 乙丑六月寓居彭城東禪佛祠有雛雀

集於庭樹為青鵲搏而食之余感而賦

雛雀學翻飛不知毛羽微青鵲笑高樹待尔飽朝飢青鵲

嗽雀雛飲飽侮鳶鳥不知阜鵠力拏殺比城狐阜雕獐嘴

狐飛走披肝腦不知遊獵兕必尔鞞上老獵兕燕楚俗得

意唯馳逐不知廟堂上坐飽萬錢肉廟堂擊鮮食日負天

下責不知五湖上自有扁舟客扁舟彼何人國霸始謀身

不知釣魚翁羞作故人臣

懷寄冠元弼王文舉十首 乙丑八月彭城賦

樽酒津亭別還城何所投無情是流水斷送到南州

右初別後

東軒美風月詩酒半歡呼昨日墻陰過依見碧蘆

右過碧蘆軒

小市門南路旧遊聯馬行祇從前日別秋艸一番生

右出小市門

南京一登晚望朔雁正來賓好去長淮北殷勤訪故人

右登飛鴻亭

百步洪頭水秋霖一夜渾相携濯纓處無復履綦痕

右遊百步洪

何處延明月東城尺五樓故人那得見後夜是中秋

右登黃樓

不見西街客歸來即閉門胡床面南樹烏鵲啼黃昏

右局中歸

暑雨茅柴熟秋風淮白肥苗連阮校尉何日跨驢歸

右招元弼

後夜溪山雪臨門望子猷莫因清興盡半道却回舟

右招文舉

偶得悲秋句還驚旧社空中庭步明月朗詠与西風

右賦後詩

馬上重經旧遊六言 丙寅三月京師賦

淺、東流宛溪當年罷酒分携認得橋邊楊柳春風几度
鴉啼

題惠崇畫扇六言二首 丙寅正月賦

春雪霏、晚梅抱枝寒雀培隴下有人腸斷為銜芳信
東來

右梅華雪雀

寒南秋水陂塘蘆葉蕭、半黃直北飛來鴻雁端疑個是

瀟湘

黃風右秋水蘆雁

荅陳傳道五首 丙寅九月京師作以目送歸鴻難

為韻

味

客子厭京塵長街風眯目安得卧南陽清潭漬寒菊遊梁
復歸宋南北更相送失得兩如何勞、不如夢遊宦凡人
達不知強健歸未容誇畫錦几見化緇衣間有高秋與清
樽醉飛鴻應悲故人遠薄晚面西風倒索黃金盡方悲行
路難桂薪炊玉粒可是樂長安

擬刘孝勝詠安仁得果 丙寅九月京師賦

果盡犹招手車停更起塵固應持一笑先荅近轅人

和王文舉玉臺體 丙寅九月賦

南城空目送西館斷心期懸知今夜思明燈半下帷

夢後聞蛩 丙寅九月京師賦

篝燈耿欲滅枕下出聲切底許事相關煎人腸斷絕

寒宵歎 丙寅十月京師賦

可憐明月光委曲照空牀自是元無夢更悲今夜長

春晚樓上 丁卯京師賦

揚花吹復盡春色但送、獨立西樓上持情向夕陽

和王文舉別館初夏 丁卯京師賦

薰風酣綠樹午日思黃鸝的、羅牕夢西隣可得知

和陳傳道秋日十詠 丁卯九月京師賦

近砌擲鳴籤長簷懸素綆濕翅暝鴉歸高梧落寒井

右秋雨

歸雲去悠、長風來獵、簷角雨長楸斜陽暝黃葉

右秋晴

病骨倦空林曳杖閑庭步暗燭與寒虫過、思風露

右秋夜

未捲半簾霜猶疑在庭月倚樹汲清泉踈風獵華髮

右秋曉

霜空出華月樽酒聊相對別夜復嬋娟故人千里外

右秋月

紛々脫柯葉衰，斷根蓬不待吹揚揚力隨風六自東

右秋風

宿雨塵霾靜寒原黍稷空臨風聊放目不為送飛鴻

右秋望

擬從康樂公雙屣登山屐晴夜宿天台披雲看初日

右秋興

梅梁巢已空去此復何從勿憚歸飛遠冰霜不尔容

右秋燕

不復怒飛聲朝雞得擅鳴婆娑安猶有地嬪媚壯畢餘生

金陵

右秋蠅

和同行潘生悒悒悠二首戊辰三月賦

悒悒復悒悒愁眠成夢泣薄暮落花天高樓面風立悠

復悠淚寄東風流所思悵何許西北齊雲樓

長安在何許二首戊辰八月歷陽賦

長安在何許疑是青天上矯首遡西風溪雲斷人望長安

在何許疑在白日下徘徊天一隅華月生新夜

懷寄清涼和上人二首戊辰十月歷陽賦

不見江南客願聽江南鐘傾耳度遙夜天寒多北風試問

江南客何時肯度杯多情是湖水每日石頭來

梅華寄清涼和上人 己巳十二月二十三日石磧

成北馬上賦

石頭城上客領取一枝梅何事春消息今從江北來

送僧法印智因西上 庚午正月烏江賦

千里長淮北東風破雪寒此行休問路驀直到長安

懷寄彭城朋好十首 庚午九月賦

元微今安健音塵久闊踈早年傾蓋意白首復何如

右寇三別三年始再通問

努力張謀父躬耕老白雲無年儉足用北外奈何君

右張大 寄声有田居食不足之嘆

子仲安貧者毗陵久罷歸秋風一相憶賴有燕西飛

右劉四 名士真謫官毗陵罷歸已久

好在張居士雲龍寄夢頻西齊見風月連榻復何人

右張十七 聞廢雲龍山居增 高宗 廟諱城中西齊甚宏

遠

希遠來彭澤聊為三迳資拂衣歸底處命駕定何時

右董大 名初常 卬沛長累月解印去職

遠寄陳傳道窮秋六罷官還驅款段馬吟雪向長安

右陳二 先余之官下邳計今已受代

不見會之久每思詩酒豪扁舟由甬上乘興可須招

右王十三 期余罷官會甬上

子敏超龍級得官何處州它時趨洛下獨與士龍遊

右王七 名適方第進士而喪其兄子立

寇叔情何厚郵筒數得書前春應上塚能訪酒家無

右寇十一 惠之每爰上塚道由京都必訪余於酒

壚

試吏王文舉俄纏風樹哀明年道灘上為尔徘徊

右王三 始調華亭刑獄掾以家難罷今執宋城

和錢德循古意二首 辛未五月京師賦

駕犁豈知耕布穀不入田大農坐官府百吏飽窮年維漢

南有箕垂象列三辰長司歎颺賊糠粃居前塵

送王西樞出鎮鄭圃八首 壬申六月京師賦

千載君臣會將圖不世功卷收天下福偏厚右扶風

帷幄參神算邊塵萬里清西藩聊偃息猶是一長城

公論由来重高懷此去輕吾非厚知己感歎此蒼生

新書許從事狡穴盡應空寄語征西將無矜獵犬功

前日神州尹聲華掩趙張春風長有待雞樹是甘棠

未 來暖西樞席斯民賴已多前春鳳池水四海漲恩波

門闌曳裾客皆自許人豪今日宸廷下誰知北郭騷

袞綉行將復沙隄百里東病夫雖老矣猶解賦幽風

題海陵寓舍二首 甲戌正月賦

池上千條柳依依，解占春自於衰頰。鬢不与物爭新，池上雪初消春鴉已占巢。自於流寓迹無地，可誅茅。

追和止友杜仲規古黃生曲三首 甲戌四月海陵

獲仲規遺編追和此

朝出^為去山雲暮為還，山雨誰謂物無情。歡期不如許，歡歸夜何其。月照臨門別後夜，待歡來開門。但明月要知兩儂心，等是它山石。此誠不可轉，彼情無自入。

京居感興五首 丙寅秋彭城陳傳道見寄^五詩以

目送歸鴻難為韻，尋和答之。乙亥八月食貧京師後

取手^附抑五弦易為韻，五詩俟他日示陳也。

壯磬

北園可復道，繫折營五斗。負郭二頃田，何時諾吾手。平生感激心，烟^之徒自許。塵埃五十絃，難為齊人拊。稠人致高位，一二難遽數。驃騎彼將軍，未應賢第五。擾^之塵籠下客，身亦自賢橫。屍道邊子共笑，直如^絃長言。与短調誰謂高，游藝謾賦芳草篇。長安居不易。

和幽老即官湖懷古五首 事見第五卷中丁丑八

月江夏賦

即官老辭筆得尔壽春碑，姦賊餘灵在斯文。是戮屍白也，遭時網臨年放夜。即何妨去物遠，當道橫豺狼。昔人泥黃

壞陳迹變滄波劫火洞然壞無如嘉句何杜守王明府吾
知夫不凡解持餘酒載一飲遂臣饒岑輔何為者當年唱
不磨名隨詩石在附驥西青蠅

江夏八詠 丁丑九月米江夏陳迹未著于時者賦
之以補郡圖經之闕焉

祖龍礪長劍昔道此南巡徒挾雄鉞利湘川奈水神
右磨劍池 在頭陀峯頂相傳始皇南巡磨劍于此

石亦存焉

孟公泣竹地今是布金園不保五畝宅非無百代孫

右靈竹寺 相傳孟宗故居也

高岸已為谷斯人如蛻蟬固應留寶刻信示當家仙

是

右祖貫墓銘 祖字子元 和乙亥年過吾家外監
授丹皮訣後六十年始化去壽九十五門人許鼎為
其理銘載李真天台昇仙事甚詳後為瓦官殘子元
墓棺已空矣此銘今在天度觀中

缺一

右舒元輿榜 舒依都士美僑居江夏太和二年發
朝方盡室去此將行題榜于頭陀佛祠之殿梁上
至元祐中郡守王得臣始命李康年序其事而摹刻
于石榜遂失所在

亭揭竒章榜斯民孰去思多慙羊叔子涕泗岷山碑

右竒章亭在黃鵠山最高頂牛僧孺屢登燕于此

後人因榜竒章云

南津趙陀石云是昔人舟長懷精衛忠志不得長江流礙

右趙陀石在鄂之南浦長十許丈高亦半馬馬相傳

昔人沈舟之所化也

西戎夕陽晴東城石鏡明有山名八字供作兩眉橫八字山見

戴洋傳

右石鏡亭黃鵠硯有石明瑩可鑑亭占其上榜曰

石鏡云

應龍昔此去雷雨助騰伸舊穴潛借鮫蜃風波橫要津

右龍穴渡相傳有龍于此今為津步

今星變竹枝詞九首戊寅上巳江夏席上戲為之以代

登龍酒

檀

莫把雕檀檝江清如可涉但聞歌竹枝不見迎挑葉隔岸

東西州清川拍岸流但聞竹枝曲不見青翰舟露濕雲羅

碧月澄江練白但聞竹枝歌不見騎鯨客北渚芙蓉開塞

裳擬屬媒但聞竹枝曲不見莫愁來西戎長回首高城當

夏口但聞竹枝歌不見行吟邊南浦下魚筒孤蓬信晚風

但聞竹枝曲不見滄浪翁勝槩今猶昨層樓栖燕雀但聞

歌竹枝不見乘黃鶴危高宗廟諱壓江東江山形勝雄但聞
竹枝曲不見胡公床薰葭被洲渚鳧鷖方容与但聞歌
竹枝不見題鸚鵡

題畫卷後六言二首元祐壬申京師為宗室令
文煥賦後八年文煥物故二因為它人有復見此詩

錄之錄之塞驢烏帽禪客落日黃塵故閑已悔繻昔去更逢挈履

今還

右閑踞逢僧圖

結茅百尺荒臺杖藜一徑每苔謝絕雞群老鶴不應端為

琴來

右鳴琴召鶴圖

慶湖遺老詩集卷第九

古詩琴瑟圖

慶湖遺老詩集卷第九

七言絕句六十首

清燕堂 丁巳四月趙郡賦

雀聲嘖嘖燕飛飛
在得殘紅一兩枝
睡思乍來還乍去
日長披卷下簾時

北園初夏 丁巳趙郡賦

天氣清和樹蔭濃
冥濛薄雨濕簷櫳
鴛鴦紅半落
生香在向晚
玫瑰架上風

秋風登城樓 己未七月滏陽賦

襲人風露覺初秋
臨水高樓更雨餘
天幕鮮明河影淡
行

雲流月兩徐

初見白髮示內 庚申三月滄陽賦

安能屈指計封侯 西日東風見白頭 信是色身非我有 若論身外更悠悠

局中歸 庚午五月滄陽賦

心火成灰不復然 故園笑別十三年 晚景退食無餘事 坐與兒曹挽紙鸞

野步 庚申七月滄陽賦

津頭微送望城斜 水落孤村格嫩沙 黃草菴中疎雨濕 白頭翁媪坐看瓜

和崔若拙四時田家詞四首 崔字至之庚申八月

滄陽賦

鼓聲迎客醉還家 杜樹團欒日影斜 共喜今年春賽好 纏頭紅有象生花

野蔓牽花過短牆 麥秋時節併蠶忙 迎門老父延行客 井

汲清井樹蔭涼

雞聲犬吠遠相望 社酒登槽喚客嘗 曉日晴明陂更潤 風

吹喬麥蜜花香

晚雪漫漫沒兔足 滿盃豆粥餉隣家 夜長少婦無春織 一

點青燈伴緝麻

西城馬上 辛酉正月滄陽賦

燭冷塵消過上元
晴明風日柳初繁
偷閑偶到西城陌
喜見青山似故園

再遊西城 辛酉二月賦

柳條破眼已堪攀
鷺下城隅水一灣
後日重來寒食近
杏

花林外見青山

東城送客馬上 辛酉二月滄陽賦

向午孤烟起客樯
一陂春水兩鴛鴦
漁童解唱滄浪曲
應笑塵埃馬上郎

魏城東 辛酉二月元城賦

短、宮牆見杏花
霏、晚雨濕啼鴉
欲將今夜思歸夢
憑仗春風吹到家

成安道中懷寄馮惟逸 馮字日休趙郡滄陽西為

僚友 辛酉二月賦

蒼面黃頭過壯時
欲投閑去兩難期
人生自是無根物
南北東西任所之

李固道中懷寄杜邯鄲 青堂在縣廨中 辛酉三月

賦

西望叢臺百尺間
車輪無角不知還
大夫庭下長無訟
誰伴青堂整日閑

僧居对雨二首 辛酉四月冠氏賦

簷雨濺、滴砌沙綠叢深處一榴花小窻隱几俄成夢堪
笑無功餘後茶

平沙四繞護城隄小雨經旬不作泥似与幽人慰牢落一
雙黃鳥隔牆啼

登西再涉南羅渡 辛酉八月賦是夏大河西從遂可徒

涉

滯水生苔没馬蹄漲沙隱約見胡金隄禹功寢久人無繼
未信東流不復西

金隄客舍望南樂城 辛酉八月賦

黃流漫渙浸城根烟人依微欲昏未忝不登非政罪居人
犹得飽魚飧

過澶觀被水民居二首 辛酉八月賦

帶沙洲畝几經淤半死黃桑繞故墟未必鄰封政如虎自
其十九 室 為魚

莫問居人溺与逃破籬歌屋宿漁舫中庭老樹秋風後鶴
鶴將雛奪鵲巢

離冠氏道中 辛酉十月賦

別酒厭一據鞍遠林微逢雪迷漫傷心不似來時路柳
擺東風絮作團

冬夜懷寄周文清郭天輔 辛酉十一月賦

壁釭向滅硯生澌仰屋重哦旧卷詩懸想北園閑散伴青
錢堆坐賭宮棊

病告中奮王鏊見招 王字誠之臨城故人也時駕

馬亦病足壬戌正月京師賦

伏櫪駕駘伏柁人不應但是厭京塵東城自有乘肥客白

苧新裁探候春

樣舟廣津門外作 壬戌七月賦

綠竦橋西七日苗几回、首鳳皇樓如何一葉扁舟裏載

得離人萬斛愁

晚泊會亭 壬戌七月賦

後 復日符離復捨舟馬蹄塵土入徐州祇應明月曾相識伴

我時登燕子樓

題承天寺竹軒 癸亥五月永城賦

征衫初解就僧牀惠我偷然一枕涼赤日黃塵畏途裏此

君風味可能忘

揚柳枝詞二首 癸亥五月 及 郡席上歌人楊柔出

二白團扇求吾詩為賦

方過清明雨後天回塘照影弄躑、深情擬屬風光主愛

惜長條持少年

揚柳東風盡日吹柔條應自不禁持都門三月傷心地強
半青、贈別離

自衛還徐憇永城王氏園 癸亥六月賦

歸路塵埃懶著鞭北窓仰枕碧雲天柴桑此興無人學負
尔清風七百年

席上分韻寄陳傳道 得懷字 乙丑二月 彭城

賦

忍穿布韞与青鞵困走京塵十二街擬伏飛雲寄招隱東
風吹送落君懷

東平周村驛觀臨川吳公題 乙丑八月賦

頓響揮毫墨尚新碧紗透此碧生塵可憐庭下長楊樹猶
有清陰待路人

九日會張謀父見招 乙丑彭城賦

昨夜新霜滿菊叢起來何面對西風白衣送酒無消息賴
有西鄰張長公

九日張謀父席上 乙丑彭城賦

浪竹低枝掃隙塵到簾清月款笛人西家一斛黃華酒沉
醉吳音賀季真

早發斜溝道中寄王有元 王字會之有詩見寄云
應無好夢到彭城因此會丙寅二月賦

處：春林有鳥啼恨無芳酒一樽携何緣復得彭城夢日
日東風送我西

泊舟永城寄京都朋遊 丙寅二月賦

正西千里是青門橋下春流帶雨潭想見日遊芳草合有
誰樓上与銷魂

將發永城題陳伯雋蒙軒 丙寅閏月賦

幾對春風把酒杯小舟臨發更徘徊四明狂客重來日庭
下榴花開未開

京居暮春感興二首 丙寅三月賦

閑坊稅屋遠人群晨鵲昏鴉占厭聞無奈春風作多事滿

庭花絮正紛

擾：奔蹄与疾輪九街尋勝作狂人東風漫送朝來雨可

奈長安自古塵

春夜對月 丙寅三月京師賦

麗景門頭初月明清川燈火兩橋橫一舟若許東南去何

當西風羽翼生

遊夷門資福佛祠園 丙寅四月京師賦

百根高樹挂凌霄鷓鴣飛來深處巢心喜它年有歸著白
衣居士此誅茅

卯醉口號 十月二十日賦

丙寅元祐初年冬賀老困寓京塵中無心炙手權門熱曝
背晴陽坐屋東

百斛汴下晚歸
丙寅十一月京師賦
隋渠經雪已流水乘興東遊恐未能試問何人知夜永一
樽相伴小窓燈

陳道中
丁卯二月十九日賦
強半春風掩戶庭出門唯見麥青、從來赤白歌桃李曾
與何人伴醉醒

過曹氏園馬上作
丁卯三月京師賦
香風細、出重牆不見繁枝已斷腸知有何人卷簾箔卧

看零落滿斜陽

和人傷春
丁卯三月京師賦

入簾輕絮故依人夢後題詩欲判春縱使相思解銷骨此
情終未作黃塵

重賦京居暮春感興
丁卯三月賦

怒風狂雨信悠悠收拾春華不少留祇有柳綿吹未盡牆
陰落泊伴人愁

送人朝饗裕陵
丁卯三月賦

三年不見鼎湖龍弓劍塵埃玉座空白髮孤臣心斷絕滿
山明月栢城風

登興國寺樓 丁卯五月京師賦

怪槐風動綠鬪鬢 廊外時聞演梵僧
怙悵無久共樽酒 可
吟明月最高層

李氏池上 丁卯七月京師賦

湖外西風吹雨絲 半隨楊柳拂連漪
女郎偷折藕花去 沙
上鴛鴦睡不知

遊莊嚴寺園 戊辰五月歷陽賦

石楠花落小池清 獨下平橋弄扇行
蔽日綠陰無覓處 不
如歸去兩三聲

黃埭魏氏見江亭 戊辰七月歷陽賦

浮生欲寄酒杯間 馬上誰容一日閑
不是登高粗能賦 老

夫真負尔江山

題贈芥堂老僧遇來 戊辰八月歷陽賦

歲計江邊二頃田 不能多應世間緣
閉門密竹荒松裏 杯
粥爐香六十年

茅塘馬上 戊辰九月烏江賦

壯圖忽負當年回 羨農兒遇我賢
水落陂塘秋日薄 仰
眠牛背看青天

阻風小孤山晚晴 丙子五月四日賦

小孤山下晚波恬 安墮青鬃玉鏡奩
借与彭郎作眉樣 西

南初月正尖纖

題漢陽寓舍老桑 丙子六月賦

曾無沃若飽吳蚕腹蠹聊供啄木餘底事慙慙^言元緒不

應有意附炎

秋江晚望 丙子九月江夏賦

黃蘆洲渚赤楓林 外殘陽疊嶂深記得廣陵城裏市董

源橫障賣千金

和吳達夫見過苗題 丁丑清明江夏賦

雀羅門巷不容車枝^秋籬相遇一試茶後日相思會乘興五

雲溪上是儂家

題詩卷後 戊寅三月江夏賦

詩豈窮人窮者工斯言聞諸六一翁端慙少作老更拙不

廢汝詩吾固窮

慶湖遺老詩集卷第九

元豐末年予始筮仕与方回俱在彭城為同僚友自
是一別声迹不相聞蓋三十年餘矣政和甲午秋八月
予還自京師過平江謁方回披腹道旧相視惘然
如昨夢耳方回之詩予見之旧矣復出鑑湖集示予其
辭義清逸不見雕繪之迹渾然天成殆非前日詩也方
回自少有奇才其器業足以自表于世意功名可必也
逮今流落州郡不少振豈詩真能窮人耶然方回詩益
工名日益高其傳不朽矣与世之酣豢富貴与草木同
腐者豈可同日議哉以此易波可以自釋也是年冬十
有二月庚申延平楊時書

宋故朝奉郎賀公墓誌銘

信安程俱撰并書 信安毛友題額

公諱鑄字方回其先吳公子慶忌避公子光乱奔衛妻子
散走越人予之湖澤之田表其族曰慶氏漢避安帝諱
改氏賀至唐有為陽穀令名知止者於方回為十五代祖
其後比徙終止開封 孝惠皇后克配昌陵家世仍以才
武顯曾祖繼能左侍禁祖惟慶東秉頭供奉官閤門祇候贈
左千牛衛將軍父安世內殿崇班閤門祇候贈右監門衛
大將軍母秦氏贈令人方回幼孤立不群濟良恪公克彰
擇妻以女授右班殿直貧迫于養非其好也監軍器庫門

臨城縣酒稅磁州都作院徐州寶豐監和州管界巡檢辭
所當遷東頭供奉官封其母永年縣太君元祐七年季士
清臣百祿軾薦于朝改承事郎請監北嶽嶽廟監鄂鄂州寶泉
監丁母憂服除以宣義郎通判泗州遷宣德郎通判太平
州管句亳州明道宮再遷至奉議郎遂請老以承議郎致
仕時年五十八居二年從臣荐起之以故官管句杭州洞
霄宮遷承議郎賜五品服以后族恩遷朝奉郎明年復致
仕又六年七十四以宣和七年二月甲寅卒于常州之
僧舍夫人趙氏前葬宜興縣清泉鄉東篠嶺之原至是以
九月甲申葬公同穴方回豪爽精悍書無所不讀交口諫

眉目面鐵色與人語不少降色詞喜面刺人短遇貴執不
肯為從諛然為吏極謹細在筦庫常手自會計其于空罅
漏逆姦欺無遺察治戎戎器堅利為諸路第一為巡檢日夜
行所部芟裁一再過家盜不得發揖臨城令三日決滯訟
數百邑人駭歎監兩郡狡吏不得措其私蓋仕無小大不
苟要使人不能欺而用不極其才以老自右選易文階時
荐者皆有大名且且當路顧願為嶽祠吏退居海上三年乃
復就筦庫元符靖國間除太府光祿寺主簿辭不赴卒請
補外自去姑孰及告老再仕凡十五年不離宮祠吏覲其
抗翫抗翫任氣若無所顧忌者然臨仕進之會常如臨不測淵

覲視不敢前竟疾走不顧其慮患乃如此与臨沂陰徵
幸不為明日計者殊科有鑑湖遺老前後集二十卷余為
序尚可考樂府辭五百首它文數十百篇方回姓字聞天
下其詩詞雅麗有古樂府之風仇書至萬卷無一字一畫
訛闕老且病猶捐不置云二子曰房承節即監保州酒
稅日廩將仕郎二女皆嫁士族孫男女五人政和間余居
吳方回病要余曰死以銘諉公矣今年春病甚見余毗陵
復理前約且曰平生果于退懼危辱耳今知免矣將葬其
子又以治命來求銘曰公之退若逝惟危辱是畏依隱
其進踏蹶若將越于谷其退若逝惟危辱是畏依隱

數世亦莫吾厲卒安其所是以無悔

公娶濟良恪公之女公之子提幹君廩復娶良恪
之孫實外姑之親姊故予獲識其子省幹君承祖
者嘗從訪公遺文曰先祖昔寓毗陵中間擾攘凡
所著文編悉為虜酋携去獨巾箱有別錄慶湖詩
前集在因假傳寫其正字畫訛舛而疑者因之又
從趙氏得公墓刻併書于卷末庶知公之出處本
末云乾道丙戌歲仲夏望日却郭冠翼令威父記

留題左顧亭二首 孔愉放龜之所

餘不^平聲亭下穢埽舟訪古懷賢百刻苗辨得千金脫元緒
此心端不為封侯
亭際高樅滿百圍不無山鬼此烏依咿叻為話當年事曾
見將軍佩印歸

賀公詩詞妙天下幼年每竊聞諸老稱其名章俊語
今詞盛行于世詩則罕見余傳錄此編久矣意俟後
集併為鋟木念未易得恐失因循^通以所積節儀折
色等錢刻置郡齋頃為德清令邑子以公苗題左顧
二絕相示嘗揭之亭上今附載于是紹熙壬子七月

朔晉陵胡澄題

慶湖遺老詩集拾遺

鑑湖遺老序

鑑湖遺老詩凡四百七十二篇其五字八句詩鍛煉出入古今為集中第一其餘大抵名家作也余少讀唐宴錄與會稽石刻見賀季真棄官本末方開元天寶之交天下號無事文學士見責重季真出入禁省冠道山友儲副極當世華冠然一旦不顧去為千秋覲道士使人望之超然如雲漢登秦望行剡川未嘗不悠然遐想也季真去後四百二十載建中辛巳爰始識其孫方回江湖上蓋鑑湖遺老也方回落、有才具觀其詩可以知其人中間罷官錢塘及

通守兩郡輒謝病去為祠嶽吏又一旦掛衣冠客吳下窮
達雖不同其勇退樂閑故有鑑湖餘味然余謂方回之為
人蓋有不可解者方回少時俠氣蓋一座馳馬走狗飲酒
如長鯨然遇空無有時俛首比憲下作牛毛小楷雌黃不
去手反如寒苦書生方回儀觀甚偉如羽人劍客然戲為
長短句皆雍容好麗極幽閑思怨之情方回忼慨多感激
其理財治劇之古^方疊有緒似非無意于世者然^遇軒裳
角逐之會常如怯夫處女^子以謂不可解者此^也余竒窮
翫辭可憎方回多交遊乃獨以集副授余曰子好直美惡
無溢言為我詳而叙之此亦豈其不可解之一端耶政和

三年癸巳歲十月朔信安程俱叙

古風一首

答僧訥 守訥鄭氏子字敏中三代第進士訥亦兩
至禮部既壯祝髮事師圓照本公庚午十二月相遇
于金陵以長篇見投其自叙如此因答之

唐代衣冠高四姓天宗之亞榮陽鄭不墜家聲五百年桂
籍相望三葉慶上人猛謝區中緣破冠投擲還童顛寸灰
已滅五經筭未入辨才無礙禪我竊官糧衆人後相逢宛
是平生旧一聞南國白頭吟万媿西風碧雲陋老宦終辭
雞鷺群誰將斷綆絆浮雲它日傳衣度梅嶺解苗何語与

將軍

近體長句五十八首

登海陵齊雲樓甲戌正月賦

樓外浮雲何可攀
聊持樽酒共銷閑
歸心歛起登臨際
春色來從想像間
晚雪晚晞時見芳
艸滄波盡處欠青山
長安桃李行應好
解笑劉郎底未還

酬別魯忱

魯字誠之嘗任共城尉相聞蓋久而未

始相際甲戌二月魯自通州放還邂逅于海陵將行

為賦是詩

昔年室迩歎人遐
少日相逢別日賒
聊寄歸心天北雁
會

乘高與斗邊
槎雷驚白晝
龍蛇起風蕩
青春草木華
誰念

渠伊獨憔悴
豈容平世賦
懷沙

送張師常之官南雄

張累官嶺外結婚于海陵因

識之甲戌三月賦

爰居踰蹙海面頭
紫鳳求皇亦少留
持酒一樽明日別
題

詩几處旧年遊
春風白芷江南岸
暑雨黃梅嶺上州
却望

衡陽千里遠
懸知無雁託

記音 甘郵

送方安行之官高密令

方字必中有通藉休官之

志甲戌三月海陵席上賦得童字

平世功名輸阿童
東書洗劍棲漁篷
晚交東武百里長
想

見桐廬三祥風白雪與闌吟社遠綠槐陰合訟庭空它年
朱紱指東道試訪釣鰲浮玉翁

送江與京歸山陽
江字茂宗甲戌三月海陵席上
賦得山字

山陽澤國四無山百雉危城西水閑楊柳遙知紫極路滄
波長羨白鷗閑病來藥裹為吾累與盡漁舟送子還風月
異時何限思區區併入尺書間
紫極宮在郡城西南隅
楚人遊觀之地

海陵書事
甲戌三月賦

海濱流浪胡為予况復支離百病餘三月逢梅識春色半

年無雁託歸書老烏啄屋巫呼鬼野艇橫門米換魚回首
揚州總百里登橋風月可憐渠

聞鶯有懷故園
甲戌四月海陵賦

海陵春後雨冥冥耳厭鼙鳴鶴齒鳴何意東亭好風日流
鶯忽作故園聲故園千里長牽夢老病三年不廢情想見
楊花收卷盡綠苔池院落朱櫻

海陵西樓寓目
甲戌四月賦

天涯樽酒與誰開風外徂風挽不回掃地可憐花更落卷
簾無奈燕還來王孫莫顧漳濱卧漁父何知楚客才強策
鴛鴦筋懷故國浮雲千里思悠哉

寄與化黃生主簿杞

黃字原禹少年奉道世味殊薄

甲戌四月海陵賦

何準第五不足稱黃童無雙非自名
卑栖鸞鳳安初仕葆練龍虎希長生
明月高吟紫芝曲紅塵先老白雲兄
莫辭一力走三舍遽未能來頻寄聲

海陵喜雨

甲戌四月晦日賦

閏年四月之相交旱天雲物何蕭騷
清風捲地換塵世白雨入林翻海濤
殊勝農兒踏車健少寬病夫揮扇勞
須晴徑買一漁艇想見橫塘深半篙

食鮓魚

甲戌閏月有人饋此因賦

雨長沙田三尺芦截江邏釣待嘉魚
上鉤一尾誇先得下筋千錢忍弃餘
倦客罷彈腰下缺故人忘寄腹中書
知机何獨張生翰不俟秋風已起予
鮓魚初得尾直千錢

題海陵寓舍四首

甲戌閏月賦

藜藿荒庭微迳通支撐破屋古池東
暮涼百燕抵突雨晝靜一蟬餐殮餐風隱几敢希南郭久移文
方誚北山空森然槐柳相差池它日低回憶箇中

右一

近溼籬根歌蟪蛄向明屋角網蜘蛛
黃葵紫萸雨張

王二字並去聲

花蚊白蟻風驅除輾轉猶憎夏夜久
支離何堪

春病餘預愁还作旧年調兩眼京塵懷鏡湖

右二

倒障開窓面曲池塵襟初喜豁然披清風殊不去人遠明
月端能与我期鼓吹青鼉聊自喜歌謳白鳥漸相欺紛
利害朝昏出閉日忘言是任持

右三

千里家園安在哉羈栖犹喜占池臺酒非從事新年別風
是故人弥日来黄鳥綿蛮紫椹熟白鷗逸瀾綠萍開頗知
老子机心廢留得渠伊與尽回

右四

聞蘓眉山謫守英州

甲戌五月海陵賦

嶺首登臨楚粵分披襟先喜得南薰座隅鵬鳥敢要
溪下鱣魚知畏文酒洗黄茅瘴時雨嘯驅碧落洞中雲高
才何假江山助来擬區區詠五君

寄金陵和上人

前歲嘗以二詩寄和有卜居之約

久未見報甲戌五月海陵再賦

舊年問米欲東流先賦新詩寄石頭赤鯁久沉江上信雜
懸誤落海邊州想君道眼遙相識顧我官身可自由香火
因緣知有在艸菴蔬粥不他求

許永席上賦

許字子長家釀甚美名十八仙時余

抱病節酒而欢亦同之甲戌中元日海陵賦

流浪江湖跨兩年西風猶駐木蘭舡可人方外二三子与
尔樽中十八仙處士妾同公子說麴生未滅索即賢自憐
衰病方羸飲也在刘家幕下天

訓別道師許自然許山陽人嘗為郡道正後補茅

山都正懷土北歸寓紫極宮將謀西上求試所奈

以詩見投因訓之乙亥正月山陽賦

早慕浮雲耻繫籠冷然風馭起三茅青著可種無閑地黃
雀歸來失旧巢石鼎頗傳驚俗句醉圖未免取僧嘲何須
西望長安笑誰是平生莫逆交

題任氏傳德集任中立承制既死交親賦詩弔其

不遇者凡百人集而名之曰傳德二子廣癰亦有琴

術乙亥三月与吾相際于永城求吾一詩為賦

釣魚公子學屠龍潦倒兩班八品中鼠目獐頭登要地雞
鳴狗盜策竒功儀刑拔士無光祿經術傳家有聖童慨想
斯人安可作九原松楸几秋風

送周開祖出守鄱陽乙亥六月京師賦

三尺京塵袞中略無閑地貯清風鱸魚菰菜經年別皂蓋
朱轡一日東俗眼強分青白在芳樽未覺聖賢空鄱陽不
乏江山助高興都盧屬謝公

贈僧參

彦字純老庚午冬余泊舟秦淮屢與純老

過鍾山泉禪師丙子三月再由金陵泉公化去已累

三月賦此詩以示純老

昔年杖屨几相從同遇弥天漢上翁早恨揚舡南浦別俄
驚掃地北山空壯心脫落浮雲外病骨支梧夢境中賴有
西岩舊桃李異時應許共春風

秦淮官柳二首丙子四月賦

秦淮兩潮西復東淮邊楊柳酣薰風送春白花去漠漠避
日黃鳥啼忽忽陶彭澤多倦官歎栢琅邪今衰病翁此身
會復有健日擬就綠陰橫釣蓬

右一

西來載病一扁舟建業江山負勝遊楊柳經眠方自得滿帆
臨掛復遲留長條似舞前溪曲卷葉宜翻出塞愁想見南朝
舊人物可憐能箇樣風流

右二

和別清涼和上人
和結兩庵招吾歸老故有落句

丙子四月賦

明朝解携白鷺洲後日相望黃雀樓建業水清供白酌武
昌魚賤足音郵著身物外不無處俛首人群非有求願報
西庵落成會待公退卧懷歸休

重別和上人 和以余扶病之官臨分肩涕余因苗

舊寫真以結西菴之緣丙子四月賦

分手鳳波踏几千侵尋老境百疴纏一官得飽亦勞矣大

士忘情犹泫然比道音塵長斷望西菴香火不無緣是身

脫使先朝露图像聊依十七賢

留別彦上人 丙子四月金陵賦

道人臨別重留連應念吾生汨世緣拄笏看山犹故態量

舡載酒異常年與來不計遠千里休去可須持一錢會作

清涼老庵主西盃分粥对床眠

苗別王閑叟 王方閑閑課誦佛書丙子四月賦

婆娑晚境未知還邂逅故人增厚顏次道志包宇宙外子

年身寄江湖間一粟妙義想冰釋九死餘生非石頑敢負

清涼阿師約西庵先辦十年閑

烈洲守風 丙子四月賦

張帆早發石頭城淹泊風波百里程白芷汀洲潮進退黃

梅材落晝陰晴官糧牽迫少休日藥物扶多半生深閉舡

扉謝漁老自慙塵垢滿襟纓

晚泊三山懷古兼寄厯陽朋遊丙子四月賦

三山春水拍江流六代餘風掃地收破國龍驤復安在賦

詩宣城難与訓傷心遠宦北宗老滿眼旧遊南豫州寄声

好住教君子一別相忘風馬牛

三山晚泊東采石磯 丙子四月賦

謝衛將軍憐苦吟素臨汝即遭賞音風流人物豈如昨形

勝江閨笛與今控鯉直思凌浩渺然犀何假照幽深莫招

捉月翰林老屈曲塵間猶陸沉

六州樣舟姑熟溪 丙子四月賦

潮來姑熟半篙深帆落溪口檣如林謝氏青山失故井相

即白苧無遺音良遊躡履負登覽衰病伏枕方伸吟箇中

二頃了吾事招張十年懷此心

蕪湖王敦城下作 丙子四月賦

斗立孤城日四圍賊奴曾未惧天威風生虎帳豺声厲塵

犯龍顏魚服歸首揭大航遺臭在歌流樂府旧音非當時

不慕栢文舉草滿中原胡馬肥

題皖山北瀕江田舍 丙子四月賦

江轉皖公山北流蕭閑人物美田疇一溪春水百家利二

頃夏秧千石收小市竹樓張酒旆平橋松島蔭漁舟莫知

農老何為者几葉傳封樂國侯

晚泊小孤山作 山與澎浪磯相對沐猴鷓鴣分占

其上丙子五月賦是晚大風

江勢東南陟折回兩山屹立地維開顛風裂石車轟雷下駭

浪澎舟卷雪來捫
蠶王孫初睥睨
飽魚鳥鬼但
豈誠忘形樂嘯倚
檣干獨快哉

得周元翁蘄春道中書
丙子八月賦

離宮赤棗墻東林
開牕下榻依墻陰
杖藜相顧賴之子
隱几忘言知我心
晚契初逢一東野
清詩屢擲斐南金
官身為米自南北
世路止羊無古今
夢澤艸荒孤驛遠
洞庭雨入滄江深
相思何以祝高韻
桂樹秋風吟玉琴

送漢陽刑獄掾邰永年解官歸養
邰字天錫其父

以朝散郎告老因補此官會有大臣荐其父再起造

朝天錫復落仕藉將行求吾詩
丙子八月賦

高歌每憶故山薇
笑擲青衫換綠衣
竟為蒼生安石起
奉來男子次君歸
脫冠弭擢與非淺
戴笠乘車誓莫違
明日

渡江聊贈別武昌官柳尚依依

登頭陀寺峯頂庵
丙子八月江夏賦

磴道凌虛挂白虹
頭陀上方黃鶻東
滄溟五夜浴新日
老木三伏來凄風
比夢南雲展張潤
縱江橫漢并吞雄
楚鄉絕境此其一
付與微吟多病翁

九日寄維揚劉明仲
劉字冲光淮南故人也
丙子

江夏賦

揚舡瓜步背瓜洲
底處孤亭是玉鉤
蠟燭有心啼別夜
布

帆無恙到南州
黃花嘉節與去何事白髮故人分
取愁賴有滄江知
客恨長年西北望
京流江至鄂渚即西北流

江夏秋懷三首 丙子九月賦

陳物紛然眼界中
長年何與去書空滄浪難為俗子唱
絳絡緯繹漫催貧女工
風月少容休吏役
烟波長與濟途窮
功成身退非吾事
猶辨扁舟東復東

右一

人物駁尋迫暮遲
秋風萬里來如期
啣虫切々竟何道
窮燕忽々將安之
洛下微吟聊擁鼻
西山爽氣為支頤
肯將翰墨悲流落
寄語三閭彼一時

右二

此身豈復繫西東
流浪江湖伴塞鴻
曲突非圖三爵客
直鉤何羨六鰲翁
十年陳迹祇今日
萬里故園猶箇中
冗散偶逃人指教
未應吟嘯坐妨公

右三

書國志陳登事後 丙子九月江夏賦

求田問舍良可嘉
元龍偶未思之邪
黃鼠長為太倉耗
白雲猶有青山家
人生疑尔待鑽石
世故紛然勞筭沙
銷磨髀肉亦何事
竟作子陽同井鼃

寄別秦觀少遊

秦南遷桂陽
舟過沔上隔江不及

見因寄是詩余三為錢官丙子十月江夏賦

沔陽湖上小留連疑是前時李謫仙
流向夜郎纔半道徑還江夏樂當年
箇儂生以才為累阿堵官于老有緣待
得公歸吾亦罷春風先辦兩漁船

潘幽老出十數詩皆有懷蕪儋州者因賦二首丁丑

四月江夏作

人烟寂絕鬼門關更措儋州杳莽間
三四月交天漏雨東南地尽水浮山
依迷春草鶴原失響像秋風雀取還
回羨河陽賢父子雪堂曾伴十年閑

右一

舊憶江城東復東堂前楊柳付春風
猶傳白雪吳中曲俄失黃糧梁夢後
翁儋耳吉音無雁使蛾眉爽氣屬狙公
不應更廣窮愁志忘悟取平生坐底窮

右二

有僧自峽中來持黃黔州手製茶
兼能道其動靜與潘幽老賦二首
豫章人聚白金十餘斤以寄魯直
付一士子竟隱之不送故有黃犬之句
丁丑五月江

夏賦

未開東觀奏書成俄見西南萬里行
從坐何閨李都尉補亡猶待楮先生
心懸黃犬沈來耗耳慣青駒祗日鳴
時節

私庭差自尉鳳將舅去雁隨兄

右一

平生得祿僅榮親持庖天涯料理貧夜戶不閉無長物晨
炊待火乞諸隣山獮頗快能來虎水擘何知枉中人少減
家園旧年調携筮先采雨前春

右二

中秋懷寄潘幽老 潘將歸黃岡穫田故有落句丁

丑江夏作

西戍角声清且哀東城鼓動殷然雷雨闌伏檻月可待風
橫去聲樣舟君不來得酒未容歡獨伯把書端与睡為媒雪

堂歛穀急还舍更約頭陀黃菊開

重寄潘幽老 丁丑中秋以少酒款致潘來舍云待

親燕甚歡翌日再賦此寄

輕舸鷺水帆如弓一伸臂頃來江東聊持美酒致吾子方
事絲衣娛汝翁懸榻可容它客坐閑関正与無月同風興
行樂竟何有醒醉陰晴皆夢中

潘幽老以長篇求假吾書以副本送之 丁丑九月

江夏作

元凱有言君盍知借書還書皆可唾家傳五載亦動矣吾
与兩雛當共之吏役豈容方外駕古人端在箇中期聊分

副本天隨子輯紹來歸是一奇

示王泌王歷陽之旧也相別八年會于鄂渚憐吾
哀病因以示之丁丑十月賦

遠離南北几星霜短髮蕭蕭帶尺長執戟即効官落拓楚
丘生觸緒悲涼雙鳧來雁誰比數拉虎批熊犹健彊端恨
養疴妨廢酒樽前都屬箇儂狂

會致仕吳朝請潛登黃鶴樓見招吳字達夫与吾
為忘年之友兼示慎猷王故有落句丁丑十一月賦

城隅黃雀莫登臨端使悲翁動楚吟日下長安人共遠天
圓夢澤戈方陰北風欲雪雁飛急南渚始冰魚伏深誰似

草堂安隱客下帷隱几不求心

雪後同吳達大慎猷王登黃鶴樓丁丑十二月作

歲律崢嶸臘盡頭風吹朔雪到南州三湖簸蕩較鼉恐七
澤迷漫狐兔愁狂客定回青雀舫獵兒初試皂貂裘江樓
伏檻迎新霽羣玉峯前練帶流

曹永州哀詞曹名晞字季明昔相際于水城喪過

武昌歸餘杭卜葬灵隱山諸子來求吾詩為賦此戎

寅二月旦日

老眼春風兩淚傾總帷樽俎異生可驚人與琴俱絕但見
肴晞酒復清相合水邊傳美政飛來峯下啟佳城翻五

六奇男子肯使高門墜厥聲

登黃雀樓懷古兼寄潘函老昆仲 函老弟大現字

仲達戊寅五月賦

漢大將軍楚國材半生倦韻免塵埃徐夫人七首安在丁
令威華表歸來紫府無蹤芳勞彷彿白雲有待久裴徊樓標
空濶天垠露川勢從橫地紐開隴鳥賦成洲共永越人歌
新耀先回會招物外二三子長嘯披襟挹快哉

寄武昌方令臨季尉李援兼簡黃岡二潘昆仲方字孝

能李字文奉戊寅六月望江夏賦

好在桐江三拜翁謫僊之喬好應同如聞花縣而即子與

發能來一水東共醉南樓故時月斷無庾令逸人風季真

老病不堪酒澤畔微吟懷四儂

二月二日席上賦 乙亥江夏作時推官陳扶將之

荆辨南法曹萬遇遠彥亨罷官歸鄱陽余亦抱疾此詩偶

亡去庚辰十月邂逅同席客復得之因附末卷

仲宣河何邊向荊州謝惠連須更少留二日舊傳挑菜節一

樽聊解負薪憂向人草樹有佳色帶郭江山皆勝遊載酒

賦詩從此始它年耆老話風流

七言絕句二十首

斗峴山馬上 戊辰九月歷陽賦

西來投策倦躋攀晚葉寒華一迳間
盡日閑雲不雨斜
陽還照隔江山

登如方山 戊辰十月歷陽賦

楚郊十月尚聞蟬傍道黃華亦可憐
特上西山最高處長
安應在夕陽邊

渡冷水澗投宿方峩嶺 戊辰十月歷陽作

蕭蕭黃葉下清溝白鳥飛來故少留
今夜行人短亭宿小
窻風雨夢漁舟

重遊寄老庵懷僧芝 戊寅九月望日與僧法芝同

遊芝有詩云淡遊聊得尉孤悶誰問當年寄老心後

月許日復為是遊芝公西上已達京都矣

淡遊已恨失芝公陳躅空留夢境中
歎問孤雲何處去庭
前雙樹自西風

寄有捷上人 捷番陽人嘗住杭州安樂山戊辰二

月與吾相際于盱眙留七日稅舟西上已已三月有
書見寄因此以謔之四月望日烏江作

捷也當年避畏途寄身一葉泛隋渠
定須慙愧操舟子千
里風波汝渡吾

曉晴西郊馬上 已已九月歷陽作

夜雨蕭蕭徹曉間不應為我掃塵紛
弄鞭十里西郊道但

見青山納白雲

重遊梵行院 己巳十月賦

晚渡南岡五里松精廬未見已聞鐘門前拂地垂楊柳掃
淨秋來過馬蹤

同張漢求宿升中院西寮 己巳十二月烏江作

僧閣窻扉奉畫舫青熒灯火對床眠北風帶雪披簷竹渾
似瀟湘夜泊天

送僧法印志因西遊京師 庚午三月烏江作

刻雪裁冰物外人強隨肥馬走京塵未應無地栽桃李江
北江南一樣春

重遊鍾山定林寺 辛未正月金陵賦

破冰泉脈漱籬根壞袖遙疑掛樹猿蠟屐舊痕尋不見東
風先為我開門

題賈氏廢園 辛未二月京師賦

丞相園林半手栽清樽曾為凡人開荒林野蔓換桃李慙
愧春風如故來

東城馬上 壬申二月京師作

綵虹橋下水關東接吟園林狹徑通繁杏半開隨半落短
牆無計礙春風

重送曾誠之兼簡俞澹陳庾 俞字清老陳字敏善

皆維揚故人甲戌三月海陵作
春風漠漠老江籬行矣騷人不自持半百幻身如且健石
頭城下兩茅茨

右一

陳顛俞散日朋遊樽酒相逢定少留衰病故情猶有在春
風一夜夢揚州

右二

平野堂重送江茂宗甲戌三月海陵賦

東風南浦雨瀟瀟欲去行人不自聊誰道垂楊攀折苦過
春猶有最長條

追而詠

杜仲觀詠蝶

甲戌四月海陵作

黃蝶尋花日百回荒庭多雨漫莓苔老狂能似微之輩借
宅猶應乞竹栽

題芭蕉葉

甲戌五月海陵賦

十畝荒池漲綠萍南風不見芰荷生隔窻賴有芭蕉葉未
負瀟湘夜雨聲

留別僧永

乙亥二月盱眙賦

三處分携跨兩年浮雲生計本悠閒江山勝地端相待大
有東南未盡緣

折中倉觀米元章題字

時米客揚州乙亥六月京

然

師賦

銀鉤入木揜鍾王拂眼清風識楚狂淮海京塵兩流落與
君大是覺身妨

放舟通津門外作乙亥十月

國門欲去尚遲、况復淒風落照時猶有京塵空舟尾惱
人無几庾元規

慶湖遺老詩集拾遺

後集補遺

廩伏讀前集序云自己郊歲嗣有所賦別為後集所謂後
集以經兵火散失不復得有近搜故藁所遺及于佛祠廟
宇題詠洎碑刻鐫勒并士大夫親戚傳誦得其一二皆此
集中無者故續書卷尾為後集之補遺廩老矣不復得全
其集後之子孫續有得者當綴其末

黃山席上別當塗僚友

自昔有宇宙便應有此山如我与君者几輩來躋攀声迹
兩磨滅寥々千古間短生一浮漚安此比余石頑五福人所
願九齡神所慳著身名利場寵辱如尋環循不見倦飛鳥翻

然亦知還酒闌解袂去老矣遂投閑

右見遺藁

九日雨中作

九夏赤旱百井枯三秋積雨釜生魚凌高徑醉不易圖問
底黃葉今有無願致皎白來庭除昏曠爛卷勤卷舒管中
一班聊自娛未羨百里鳴笙竽少日用壯胆力麗六鼈可
取負而趨誰謂衰遲百病餘雀鼠入屋不受驅長缺長缺
歸來乎泥深沒跣行無車吐嗟蠟屐非雙鳧安得翩然過

故都

右見遺藁

送何安中之官新安錄事

帶郭荒山百匝牢躋攀凡見病後孫官糧可數終雞肋吏
事懸知倍馬曹芸閣有書行且召萱堂須養未容高慶湖
老子何堪別隱几僧坊更寂寥

右見遺藁

送時適歸彭城兼寄王會之并張白雲

壯年客宦樂徐州五見黃花戲馬週無復登山拋旧屐不
堪臨水送歸舟東城公子犹三徑南墅先生久一丘為話
吳門非樂土鱸魚菰黍漫淹留

右見遺藁

方明古免喪西上山陰賀鑄方回以詩送行非敢贈
言聊書美志

西上遲遲誰挽留了君方寸慕松楸三年既盡亦當起五
斗有餘非所求早歲向風勞企羨殘生指日願依投得官
僥近柴桑里應許江邊著釣舟

右見遺藁

清明病中

寒食晴暘少江南此候同侵晨潑火雨薄暮駕潮風日力
書籤上生涯藥裹中可憐佳節物似不繫衰翁

右見遺藁

題葉翰林道卿手書席人唱和後集

翰客文房萬卷餘說翻是蠹書魚載薰載曝徒為爾秦
築長城錯備胡

右見遺藁

題項羽廟三首

分張天下付羣雄回首咸陽卷地空六國三秦隨擾攘錦
衣何暇到江東

右一

楚都陳迹久灰埃一曲虞兮尚寄哀不作偷生渡江計可
須千里更西來

右二

三戶睚眦竟破秦君王武略世稱神途窮一夜無遺恨挈首殷勤予故人

右三

錢塘海潮

高岸如陵累石頑一支漲海橫中間九軍雷鼓震玉壘万里墨雲驅雪山秦政維舟羞胆怯史遷舐笔恨才慳錢郎幾許英雄氣強弩三千擬射還

右見遺藁

吳門秋懷

吳門客鬢再經秋城郭籃舁久倦遊平靜松江三萬頃不應無處著漁舟

右見遺藁

丹陽客舍示曾紆公衮

眼裏鉛華今日見肯中冰炭几時除欲知老子消懷處靜夜青燈一卷書

右得于兩浙漕曾紆公衮

鑄年五十八因病廢得音休致一絕寄呈姑蘇毗陵諸友

求田問舍向吾津欲著衰殘老病身未拜君恩賜剡曲歸

來且醉鑑湖春

鑄六代祖廣平郡王在五代間久從宣祖皇帝遊因
納女事太祖皇帝封孝惠皇后賜第在開封隆和里
當時宣祖太祖太宗潛在邸中每喜飲臣家酒後來
鑄高祖六宅使嘗一日預內宴因有旨索遂進旧酒
并釀法就賜名鑑湖春鑑湖先生酷志嗜書未老掛
冠告歸滿朝榮慕真漢之二疏也以詩卜居于姑蘇
毗陵兩郡親旧和之者皆一時名公柄于先生門下
有姻契亦嘗作兩韻今豫登款補完後集記錄以呈
豫登儆不棄孤陋許以柄詩附先生集尾使晚生廁

名于其間抑何榮幸也晉陵邨柄德久詩云清監風
流賀季真先生端是昔人自如何未老催歸去要卧
烟霞兩郡春其它名公和者柄失記題毘陵僧舍二
首

古寺相留躋兩年窮通出處因天然短檠燈火掩書卷屢
聽芭蕉夜雨眠
林風忽起家山意流落天涯歎憔悴古寺不挂褰瀛園終
南山翁何處至

右得于晉陵孫覲仲益

和題毗陵薦福寺紅梅

一種梅生禪老家屋簷古榦恣歌斜詩人莫訝深紅色可
勝尋常桃杏花

右得于陵孫覲仲益再得于僧惟訥云從教盡
作深紅色絕勝尋常桃杏花

吳江送客

送別松陵道輕舟助客拏湖空日葭菼市隘集魚鰕薄雨
啼殘雪新潮蝕嫩沙鏡中羞杏脊颿行復見春花

右得于屯田郎官范雱伯達

題流香亭

秋色朝來已十分遠山清瘦露雲根芙蓉昨夜驚風雨葉

葉流香有淚痕

右得于屯田郎官范雱伯達

王迥子高挽章五首

我昔官房子長懷忠穆賢里無行馬第山有卧牛肝當代
三公後維君五福全桐官遠歸祔追回日几潜然卓尔金閨
彦頽然玉筍班周旋三友益零落十年間輶輳灵輻動悠
揚素旒還暮年懷抱愛應未辨追攀攀蕭散竹林風平生約
略同官班魏叔夜年華晋安豐民詠濡須政朝推胸臆功
九原無復作埋玉恨何窮窮南浦維舟訪東堂抵榻眠後期
犹指日輕別遂終天墨妙今初貴詩鳴久已傳清風知未

墜諸子更翩已矣知無憾賢愚共此途白駒馳白日黃
髮掩黃壚和氏終還趙干將不葬吳鴛疴如可強猶擬莫
生芻

右見王公治行集

約十客同集金山宋^米芾元章約而不至坐中分題以

元章未至分韻作詩拈闍韻應口便作滯思即罰巨

觥余得章字

九客相逢思楚狂停歌罷缺緩行觴座中那更添嚴令分
韻吟詩招阿章

右得于將作監米友仁元暉

題秦觀少游寫真

淮海多才士徒希馬少游誰容老芸閣自識苑藤州狀貌
披圖燕陽春掩卷愁湛郎長鬣尔殊不嗣風流

右廩省記

別王銍性之

吾老無比里子能詎南來臨分即間訣薄暮更徘徊晚節
徇微尚方剛患多才此生南與北出處兩悠哉

右廩省記

後集補遺

始予讀公墓誌謂有詩二十卷而所得前集九卷

竊疑其脫略以公自序如此且其孫所手抄遂信之
竭來邵陽因命鋟木既而有于公家嘗傳卷之十者
為予校讎果少近體一卷缺古風一首絕句二十首
又得公之子廩豫登補遺二十七篇并程公之序錄
以見寄屬瓜代之日無几不暇附益改作姑目曰拾
遺而亟刻之以全其集云紹熙癸丑三月五日澄書

壬子十月荃孫校訖

舊鈔慶湖遺老集得自海王村

因訛脫多不能讀弃篋中久矣

今冬假得漢陽洪氏本鈔不甚

舊然提行空格均是四式構字均

作高宗廟諱不出於宋可知因取

五助補寫一葉又兩行洪本九行

廿字此本廿二字五言古絕每多

連寫為離之原卷旁注音字此本

攬入正文者勒出之脫字補之訛字
改供本亦脫則何之稍之為漢若云
盡善猶未敢信壬子十月藝風識



此壬子病中手校精神不繼滑過甚多甲
寅三月積餘再校一過又補其缺似乎完善
矣他日若遇精本當再校之 小冊



丙辰十二月借樊山藏本又校以墨筆識於上方

